

সূচীপত্র

বিষয়

পৃষ্ঠা নং

জমাদিউল আউয়াল

■ ঈমান, ইসলাম ও ইহসান	১৯০
■ আল্লাহ	১৯৪
■ আল্লাহর যিক্র	১৯৬
■ যিক্রের ফযিলত	১৯৭
■ যিক্র দ্বারা শয়তান বিতাড়িত হয়	২০১
■ সর্বোত্তম যিক্র	২০১
■ যিক্রের ফযিলত	২০২
■ শির্ক	২০৩
■ কবীরা গুনাহ	২০৪
■ আল্লাহর দয়া	২০৬
■ আখলাক	২১১
■ লজ্জা	২১৩
■ খোদাভীতি	২১৫
■ ধৈর্য ও সহমর্মিতা	২১৬
■ শোকর বা কৃতজ্ঞতা	২১৭
■ কোমলতা বা নম্রতা	২১৯
■ সত্য ও সত্যবাদিতা	২২০
■ ক্ষমা	২২১
■ তাওয়াক্কুল	২২২
■ আদল তথা ন্যায়পরায়নতা	২২৫
■ আমানত রক্ষা করা	২২৬
■ ওয়াদা রক্ষা করা	২২৭
■ এ মাসে ওফাতপ্রাপ্ত মনীষীগণ	২২৮

৪৬০. আল্লামা সাদ উদ্দিন তাফতাহানী (র.) (৭৯১ হি), শরহে আকাঈদে নসফিয়্যাহ, পৃ-১১৯

করল কিন্তু কোন আমল করল না তবে অন্তরের বিশ্বাস বহাল আছে তাকে বলা হয় ফাসিক। আর যে কালিমায়ে শাহাদাত পাঠ করলনা তাকে বলা হয় কাফির।^{৪৬১}

ইসলাম (اسلام) আরবী শব্দ। এর শাব্দিক অর্থ হলো আত্মসমর্পণ করা, অনুগত হওয়া। পরিভাষায়—الانقياد بمعنى قبول الاحكام والاذعان به ইসলাম ইসলাম হলো অনুগত ও আত্মসমর্পণ করা অর্থাৎ ইসলামের যাবতীয় আদেশ-নিষেধ মান্য করা ও আন্তরিকভাবে গ্রহণ করা।^{৪৬২}

ইসলাম আল্লাহর একমাত্র মনোনীত দ্বীন। এটি একটি পূর্ণাঙ্গ জীবন ব্যবস্থা। জন্ম থেকে মৃত্যু পর্যন্ত এ ব্যবস্থার আলোকে একজন মুসলমানকে জীবন যাপন করতে হয়।

আল্লাহ তায়ালা বলেন, إِنَّ الدِّينَ عِنْدَ اللَّهِ الْإِسْلَامُ ইসলাম আল্লাহর একমাত্র মনোনীত দ্বীন।^{৪৬৩} আরো এরশাদ করেন—وَمَنْ يَتَّبِعْ غَيْرَ الْإِسْلَامِ دِينًا فَلَنْ يُقْبَلَ مِنْهُ কেউ ইসলাম ব্যতীত অন্য কোন দ্বীন গ্রহণ করতে চাইলে তা কখনো কবুল করা হবে না।^{৪৬৪}

ইহসান احسان শব্দটি আরবী। এর অর্থ হলো ইখলাস। মীর সৈয়দ শরীফ বলেন—الاحسان لغة فعل ما ينبغي ان يفعل من الخير ، وفي الشريعة ان تعبد الله كأنك تراه فان لم تكن إلهًا فله شكرٌ إلهًا فله شكرٌ অর্থাৎ ইহসান এর শাব্দিক অর্থ হলো এমন কল্যাণকর কাজ যা করা উচিত। আর শরীয়তের পরিভাষায়, তোমরা এমনভাবে আল্লাহর ইবাদত কর যেন তুমি তাঁকে দেখছ। যদি তুমি তাকে না দেখতে পাও তবে এতটুকু বিশ্বাস কর যে, তিনি তোমাকে দেখছেন।^{৪৬৫}

এ প্রসঙ্গে একদিন হযরত জিব্রাইল (আ.) নবী করিম ﷺ এর দরবারে এসে আরয করলেন হে মুহাম্মদ ﷺ! أَخْبِرْنِي عَنِ الْإِسْلَامِ فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ الْإِسْلَامُ أَنْ تَشْهَدَ أَنْ لَا إِلَهَ إِلَّا اللَّهُ وَأَنَّ مُحَمَّدًا رَسُولُ اللَّهِ صَلَّى اللَّهُ عَلَيْهِ وَسَلَّمَ وَتَقِيمَ الصَّلَاةَ وَتُؤْتِيَ الزَّكَاةَ وَتَصُومَ رَمَضَانَ وَتَحُجَّ الْبَيْتَ إِنْ اسْتَطَعْتَ إِلَيْهِ سَبِيلًا قَالَ صَدَقْتَ قَالَ فَعَجَبْنَا لَهُ يَسْأَلُهُ وَيُصَدِّقُهُ قَالَ فَأَخْبِرْنِي عَنِ الْإِيمَانِ قَالَ أَنْ تُؤْمِنَ بِاللَّهِ وَمَلَائِكَتِهِ وَكُتُبِهِ وَرُسُلِهِ وَالْيَوْمِ الْآخِرِ وَتُؤْمِنَ بِالْقَدْرِ خَيْرِهِ وَشَرِّهِ قَالَ صَدَقْتَ قَالَ فَأَخْبِرْنِي عَنِ الْإِحْسَانِ قَالَ أَنْ تَعْبُدَ اللَّهَ كَأَنَّكَ تَرَاهُ فَإِنْ لَمْ

^{৪৬১} আল্লামা মীর সৈয়দ শরীফ (র.) (৮১৬ হি), কিতাবুত তা'রীফাত, পৃ- ৪০, বৈরুত

^{৪৬২} আল্লামা সাদ উদ্দিন তাফতায়ানী (র.) (৭৯১ হি), শরহে আকাঈদে নসফিয়্যাহ, পৃ-১২৮

^{৪৬৩} সূরা আলে ইমরান, আয়াত-৮৫

^{৪৬৪} সূরা আলে ইমরান, আয়াত-৮৫

^{৪৬৫} মীর সৈয়দ শরীফ (র.) (৮১৬ হি), কিতাবুত তা'রীফাত, পৃ- ১২, বৈরুত

أَلْحُ أَكُنْ تَرَاهُ فَإِنَّهُ يَرَاكَ الْحُ আমাকে ইসলাম সম্পর্কে অবহিত করুন। রাসূল ﷺ বলেছেন, ইসলাম হলো সাক্ষ্য দেয়া, আল্লাহ ছাড়া কোন ইলাহ নেই এবং মুহাম্মদ ﷺ নিশ্চয় আল্লাহর রাসূল। নামায প্রতিষ্ঠা করা, যাকাত প্রদান করা, রমযানে রোযা রাখা, সামর্থ্য ও পাথেয় থাকলে বায়তুল্লাহর হজ্ব করা। জিব্রাইল (আ.) বললেন, আপনি ঠিক বলেছেন। উপস্থিত সাহাবায়ে কিরাম বলেন আমরা তাঁর প্রশ্ন ও সত্যায়ন করাতে অবাধ হয়েছি।

তিনি আবার বললেন, আমাকে ঈমান সম্পর্কে অবহিত করুন। রাসূল ﷺ বললেন, ঈমান হলো আল্লাহর উপর বিশ্বাস স্থাপন করা এবং তাঁর ফেরেশতাগণ, কিতাবসমূহ, তাঁর রাসূলগণ, পরকাল ও তকদীরের ভাল-মন্দের উপর বিশ্বাস করা। জিব্রাইল (আ.) বললেন, আপনি ঠিক বলেছেন। তিনি পুনরায় আরয় করলেন ইহসান সম্পর্কে আমাকে অবহিত করুন। রাসূল ﷺ বলেছেন, তুমি এমনভাবে আল্লাহর ইবাদত কর যেন তুমি আল্লাহকে দেখতে পাচ্ছ। যদি তুমি দেখতে সক্ষম না হও তাহলে এতটুকু বিশ্বাস কর যে, তিনি তোমাকে দেখতে পাচ্ছেন।^{৪৬৬}

أَتَذَرُونَ مَا الْإِيمَانُ بِاللَّهِ وَحَدُّهُ قَالُوا اللَّهُ وَرَسُولُهُ أَغْلَمُ قَالَ شَهَادَةُ أَنْ لَا إِلَهَ إِلَّا اللَّهُ وَأَنَّ مُحَمَّدًا رَسُولُ اللَّهِ وَإِقَامُ الصَّلَاةِ وَاتِّبَاءُ الزَّكَاةِ وَصِيَامُ رَمَضَانَ وَأَنْ تُعْطُوا مِنَ الْمَغْنَمِ الْخُمْسَ الْحُ তোমরা কি জান এক আল্লাহর উপর ঈমান রাখা কি? তারা বললেন- আল্লাহ এবং তাঁর রাসূলই ভাল জানেন। রাসূল ﷺ বলেন- ঈমান হলো সাক্ষ্য দেওয়া, আল্লাহ ছাড়া কোন মাবুদ নেই আর মুহাম্মদ ﷺ হলেন আল্লাহর রাসূল এবং নামায প্রতিষ্ঠা করা, যাকাত প্রদান করা, রমযানে রোযা পালন আর গণীমতের সম্পদ থেকে এক পঞ্চমাংশ প্রদান করা।^{৪৬৭}

মুহাদ্দিসীনে কিরামগণ ঈমানকে দু'ভাগে ভাগ করেছেন। একটি হলো মূল ঈমান যার সাথে আমলের কোন সম্পর্ক নেই। অপরটি হলো ঈমানে কামিল বা পূর্ণাঙ্গ ঈমান যা আমলের সাথে সম্পর্কিত। প্রথম প্রকারের উদাহরণ হলো, যেমন হাদিসে বর্ণিত আছে- مَا مِنْ عَبْدٍ قَالَ لَا إِلَهَ إِلَّا اللَّهُ ثُمَّ مَاتَ عَلَى ذَلِكَ إِلَّا دَخَلَ الْجَنَّةَ قُلْتُ وَإِنْ زَنَى وَإِنْ سَرَقَ قَالَ وَإِنْ نَبَى نَبِيَّ كَرِيمٍ ﷺ এরশাদ করেন, কোন বান্দা “লা ইলাহা ইল্লাল্লাহু” কালিমা শরীফ পড়ার পর যদি মারা যায়, তাহলে সে জান্নাতে প্রবেশ করবে। বর্ণনাকারী আরয় করলেন, যিনা ও চুরি করলেও কি জান্নাতে যাবে? উত্তরে তিনি বলেন হ্যাঁ, যিনা ও চুরি

করলেও।^{৪৬৮} উক্ত হাদিসে মূল ঈমানের কথা বলা হয়েছে যা দ্বারা বান্দা জান্নাতে প্রবেশ করবে যদিও গুনাহের কারণে তাকে প্রথমে শাস্তি ভোগ করতে হবে।

عَنْ عُثْمَانَ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ مَنْ مَاتَ وَهُوَ يَعْلَمُ أَنَّهُ لَا إِلَهَ إِلَّا اللَّهُ دَخَلَ الْجَنَّةَ হযরত ওসমান (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি মৃত্যুকালে বিশ্বাস করত যে, আল্লাহ ছাড়া কোন মাবুদ নাই সে জান্নাতে প্রবেশ করবে।^{৪৬৯}

এ দুই হাদিসে জান্নাতে যাওয়ার জন্য ঈমানকেই শর্তারোপ করা হয়েছে। আমলের কথা বলা হয়নি। দ্বিতীয় প্রকারের ঈমানের উদাহরণ হলো রাসূল ﷺ এর বাণী— لَا يَزْنِي كَون যিনাকারী ব্যক্তি যিনা করার সময় পূর্ণাঙ্গ মু'মিন থাকেনা।^{৪৭০}

রাসূল ﷺ হাদিস শরীফে আরো বলেছেন— لَا يُؤْمِنُ أَحَدُكُمْ حَتَّىٰ أَكُونَ أَحَبَّ إِلَيْهِ مِنْ وَالِدِهِ وَوَلَدِهِ وَالنَّاسِ أَجْمَعِينَ তোমাদের মধ্যে কেউ পূর্ণাঙ্গ মু'মিন হবে না যতক্ষণ না তার কাছে তার পিতা, সন্তান এবং সকল মানুষের থেকে আমি অধিক প্রিয় হব না।^{৪৭১}

ঈমানের সম্পর্ক অন্তরের সহিত আর ইসলামের সম্পর্ক বাহ্যিক আমল ও আচরণের সহিত। আল্লাহ তায়ালা পবিত্র কুরআনে প্রায়ই ঈমানের সাথে আমলের কথা উল্লেখ করেছেন এবং ঈমানকে আমলের পূর্বে উল্লেখ করেছেন। কারণ ঈমান ঠিক থাকলেই আমল ঠিক থাকবে। ঈমানবিহীন আমল তলাবিহীন ঝুড়ির ন্যায়। বাজারের সব সওদা কিনে থলের মধ্যে রাখলেও তলা না থাকলে কিছুই থাকবে না। অনুরূপ ঈমানবিহীন আমল আল্লাহর কাছে পৌঁছবেনা। জান্নাতে প্রবেশের জন্য ঈমান শর্ত তবে আমল জান্নাতে জান্নাতীর মর্তবা বৃদ্ধি করে।

إِنَّ الَّذِينَ آمَنُوا وَعَمِلُوا الصَّالِحَاتِ كَانَتْ لَهُمْ جَنَّاتُ الْفِرْدَوْسِ নিশ্চয় যারা ঈমান এনেছে এবং নেক আমল করেছে তাদের জন্য রয়েছে জান্নাতুল ফেরদৌস।^{৪৭২}

^{৪৬৮} বুখারী ও মুসলিম, সূত্র: মিশকাত শরীফ, পৃ- ১৪

^{৪৬৯} সহীহ মুসলিম, সূত্র: মিশকাত শরীফ, পৃ- ১২

^{৪৭০} বুখারী ও মুসলিম, সূত্র: মিশকাত শরীফ, পৃ-১৭

^{৪৭১} বুখারী ও মুসলিম, সূত্র: মিশকাত শরীফ, পৃ- ১২

^{৪৭২} সূরা কাহাফ, আয়াত- ১৩৭

ঈমানের মৌলিক বিষয়গুলো পবিত্র কুরআন ও হাদিসের বিভিন্ন স্থানে বর্ণিত হয়েছে। ঈমানে মুফাস্সাল নামক শীর্ষক কালিমায়ে এগুলো বর্ণিত হয়েছে। যেমন—
 بِاللهِ وَمَلَائِكَتِهِ وَرُسُلِهِ وَالْيَوْمِ الْآخِرِ وَالْقَدَرِ خَيْرِهِ وَشَرِّهِ مِنْ اللهِ تَعَالَى وَالْبَعْثِ بَعْدَ الْمَوْتِ
 আমি ঈমান আনলাম আল্লাহর উপর, তাঁর ফেরেশতাগণের উপর, তাঁর কিতাবসমূহের উপর, তাঁর রাসূলগণের উপর, আখিরাতের উপর, তকদীরের ভাল মন্দ আল্লাহর পক্ষ থেকে হওয়ার উপর এবং মৃত্যুর পর পুনরুত্থিত হওয়ার উপর।

আল্লাহ

আল্লাহ তায়ালার অনেক গুণবাচক নাম রয়েছে, তন্মধ্যে الله আল্লাহ হলো একমাত্র ‘ইসমে জাত’ তথা সত্তাবচক নাম। আল্লামা তাফতযানী (র.) আল্লাহর সংজ্ঞায় বলেন—
 اللهُ عِلْمُ عَلَى الْإِصْحَاحِ لِلذَّاتِ الْوَاجِبِ الْوُجُودِ الْمُسْتَجْمَعِ بِجَمِيعِ الصِّفَاتِ الْكَمَالِ
 বিশুদ্ধতম মতানুসারে ‘আল্লাহ’ শব্দটি এমন চিরন্তন সত্তার সত্তাবাচক নাম যার অস্তিত্ব অবশ্যম্ভাবী এবং যিনি সমস্ত প্রশংসনীয় ও উত্তম গুণাবলীর অধিকারী।^{৪৭০}

হেদায়েতুন নাহর ব্যাখ্যাগ্রন্থ الهامية এর পাঁচ পৃষ্ঠায় বলা হয়েছে
 اللهُ فِي اللُّغَةِ مَعْبُودٌ
 برحق وفي الاصطلاح هو اسم لذات واجب الوجود المستجمع لجميع المحامد وصفات الكمال
 আল্লাহ শব্দটির শাব্দিক অর্থ হলো সত্যিকারের উপাসক। আর পরিভাষায় অস্তিত্ব অবশ্যম্ভাবী সত্তার সত্তাবাচক নাম যিনি সমস্ত প্রশংসনীয় ও পরিপূর্ণ গুণাবলীর অধিকারী এবং যাবতীয় ক্রটি ও ক্ষয় থেকে পবিত্র।

শরহুল আকাঈদিন নাসাফিয়া, আল আকীদাতুত তাহাভীয়া, আল আকীদাতুল হাসানাহ ইত্যাদি গ্রন্থসমূহ আল্লাহর পরিচয় দেয়া হয়েছে এভাবে— “এ মহাবিশ্বের অবশ্যই একজন অনাদি অনন্ত সৃষ্টিকর্তা আছেন। তিনি চিরস্থায়ী, তাঁর অস্তিত্ব সন্দেহাতীত ও অবশ্যম্ভাবী। প্রশংসনীয় সমস্ত গুণাবলী দ্বারা তিনি গুণান্বিত। সব ধরনের দোষ-ক্রটি হতে তিনি মুক্ত ও পবিত্র। সবকিছু তাঁর জ্ঞানের আওতাভুক্ত। সকল বস্তুর উপর তিনি ক্ষমতাশীল। সকল সৃষ্টি তাঁর ইচ্ছায় আবর্তিত। তিনি সর্বশ্রোতা ও সর্বদ্রষ্টা। তাঁর কোন উদাহরণ নেই। তাঁর সত্তায় ও গুণাবলীতে কেউ শরীক নেই। তিনিই অসুস্থকে সুস্থ করেন, সকল সৃষ্টিবস্তুকে রিযিক দেন। সৃষ্টির সবকিছু তাঁরই নিয়ন্ত্রণে। তিনি অন্য কোন সত্তায় প্রবিষ্ট ও একীভূত হওয়া থেকে পবিত্র। তিনি দেহ বিশিষ্ট নয় এবং কোন

^{৪৭০}. আল্লামা সাদ উদ্দিন তাফতযানী (র.) (৭৯১ হি), শরহে আকাঈদে নসফিয়াহ, পৃ-১১৯

দিক কিংবা স্থানের গণ্ডিতে আবদ্ধ নন। মু'মিনগণ পরকালে তাঁর দীদার লাভে ধন্য হবেন। তিনি কোন কিছুই মুখাপেক্ষী নন। তিনি যা চান তাই হয়। কোন কাজের জবাবদিহি করতে হয় না। তাঁর প্রতিটি কাজই হেকমতপূর্ণ ও প্রজ্ঞাসম্পন্ন।” উপরোক্ত আল্লাহর দু'টি সংজ্ঞা দ্বারা প্রতীয়মান হয় যে, আল্লাহ সমস্ত প্রশংসনীয় গুণাবলীর অধিকারী এবং তিনি যাবতীয় দোষ-ত্রুটি মুক্ত। তাই কোন প্রকারের অসৎ, নিন্দনীয় ও ত্রুটিযুক্ত বস্তু তাঁর মধ্যে বিদ্যমান নেই। এমনকি আল্লাহর প্রতি আদব রক্ষার্থে কোন খারাপ ও তুচ্ছ বস্তুকে তাঁর দিকে সম্পর্কিত করাও জায়েয নেই, যদিও কথা সত্য হয়। যেমন- ‘শূকরের সৃষ্টিকর্তা আল্লাহ’ কথাটি সত্য। কিন্তু শূকর একটি ঘৃণিত ও নিকৃষ্ট জানোয়ার বিধায় **يَا خَالِقَ الْخَظِيرِ** হে শূকরের সৃষ্টিকর্তা এরূপ বলা নিষেধ। সুতরাং ‘আল্লাহ মিথ্যা বলতে পারেন’ এরূপ বলাও সম্পূর্ণ হারাম। এতে নিঃসন্দেহে ঈমান চলে যাবে।

আল্লাহ একক, তিনি ছাড়া কোন ইলাহ নেই এবং তাঁর কোন শরীকও নেই। যদি কেউ তাঁর গুণাবলী এবং ইবাদতে অন্য কিছুকে শরীক সাব্যস্ত করে তবে সে মুশরিক ও চিরস্থায়ী জাহান্নামী।

আল্লাহ তায়ালা এরশাদ করেন, **إِنَّهُ مَنْ يُشْرِكْ بِاللَّهِ فَقَدْ حَرَّمَ اللَّهُ عَلَيْهِ الْجَنَّةَ وَمَأْوَاهُ النَّارُ** কেউ আল্লাহর সাথে শরীক সাব্যস্ত করলে আল্লাহ তার জন্য অবশ্যই জান্নাত হারাম করে দেন এবং তার ঠিকানা হবে জাহান্নাম। আর যালিমদের জন্য কোন সাহায্যকারী নেই।^{৪৭৪}

আল্লাহর একত্ববাদের উপর পবিত্র কুরআনে অসংখ্য প্রমাণ রয়েছে। যেমন- **وَالِهَٰكُم** তোমাদের ইলাহ এক ইলাহ, তিনি ব্যতীত অন্য কোন ইলাহ নেই। তিনি দয়াময় অতি দয়ালু।^{৪৭৫}

قُلْ هُوَ اللَّهُ أَحَدٌ، اللَّهُ الصَّمَدُ، لَمْ يَلِدْ وَلَمْ يُولَدْ، وَلَمْ يَكُنْ لَهُ كُفُوًا أَحَدٌ .

বলুন, তিনিই আল্লাহ এক অদ্বিতীয়। আল্লাহ কারো মুখাপেক্ষী নন। সকলেই তাঁর মুখাপেক্ষী। তিনি কাউকে জন্ম দেননি এবং তাঁকেও জন্ম দেয়া হয়নি। তাঁর সমতুল্য কেউ নয়।^{৪৭৬}

^{৪৭৪}. সূরা মায়িদা, আয়াত- ৭২

^{৪৭৫}. সূরা বাকারা, আয়াত- ১৬৩

^{৪৭৬}. সূরা ইখলাস,

لَوْ كَانَ فِيهِمَا آلِهَةٌ إِلَّا اللَّهُ لَفَسَدَتَا فَسُبْحَانَ اللَّهِ رَبِّ الْعَرْشِ عَمَّا يَصِفُونَ যদি এক আল্লাহ ব্যতীত বহু ইলাহ থাকত নভোমণ্ডল ও ভূমণ্ডলে, তবে উভয়টি ধ্বংস হয়ে যেত। অতএব তারা যা বলে তা হতে আরশের অধিপতি আল্লাহ পবিত্র।^{৪৭৭}

আল্লাহর যিকর

যিকর শব্দের অর্থ হলো স্মরণ করা, কৃতজ্ঞতা প্রকাশ করা। অর্থাৎ নিয়ামতের কৃতজ্ঞতা প্রকাশার্থে সর্বদা তাঁকে স্মরণ করা, তাঁর আনুগত্য করা এবং তাঁর ইসমে জাত ও ইসমে সিফাত মুখে কিংবা মনে মনে উচ্চারণ করা। আল্লাহ তায়ালা জ্বীন ও ইনসানকে সৃষ্টি করেছেন তাঁর ইবাদতের জন্য। যেমন: আল্লাহ তায়ালা বলেন, وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ আমি জ্বীন ও ইনসানকে আমার ইবাদতের জন্য সৃষ্টি করেছি।^{৪৭৮}

সমস্ত ইবাদতের রূহ হচ্ছে আল্লাহর যিকর। আল্লাহ তায়ালা বান্দাকে সর্বাবস্থায় অধিকহারে যিকর করার নির্দেশ দিয়েছেন। যেমন, আল্লাহর বাণী, يَا أَيُّهَا الَّذِينَ آمَنُوا اذْكُرُوا اللَّهَ ذِكْرًا كَثِيرًا، وَسَبِّحُوهُ بُكْرَةً وَأَصِيلًا স্মরণ কর এবং সকাল-সন্ধ্যা তাঁর পবিত্রতা ঘোষণা কর।^{৪৭৯}

আল্লাহ তায়ালা বলেন, الَّذِينَ يَذْكُرُونَ اللَّهَ قِيَامًا وَقُعُودًا وَعَلَىٰ جُنُوبِهِمْ وَيَتَفَكَّرُونَ فِي خَلْقِ السَّمَاوَاتِ وَالْأَرْضِ رَبَّنَا مَا خَلَقْتَ هَذَا بَاطِلًا سُبْحَانَكَ فَقِنَا عَذَابَ النَّارِ যারা দাঁড়িয়ে, বসে ও শায়িত অবস্থায় আল্লাহকে স্মরণ করে এবং চিন্তা-গবেষণা করে আসমান ও যমিন সৃষ্টির বিষয়ে (তারা বলে) হে পরওয়ারদিগার! এসব আপনি অনর্থক সৃষ্টি করেননি।^{৪৮০}

তিনি আরো বলেন, وَاذْكُرْ رَبَّكَ فِي نَفْسِكَ تَضَرُّعًا وَخِيفَةً وَدُونَ الْجَهْرِ مِنَ الْقَوْلِ بِالْغُدُوِّ وَالْآصَالِ وَلَا تَكُنْ مِنَ الْغَافِلِينَ আর স্মরণ কর তোমার পালনকর্তাকে আপন মনে ক্রন্দনরত ও ভীত সন্ত্রস্ত অবস্থায় এবং এমন স্বরে যা চিৎকার অপেক্ষা কম; সকালে ও সন্ধ্যায়। আর বেখবর থেকোনা।^{৪৮১}

ইসলামে প্রত্যেক ইবাদতের একটা নির্দিষ্ট সময়-সীমা ও পরিমাণ রয়েছে। যেমন নামায দৈনিক পাঁচওয়াক্ত, রোযা বছরে একমাস, হজ্ব সারা জীবনে একবার এবং যাকাত

^{৪৭৭} সূরা আশ্বিয়া, আয়াত- ২২

^{৪৭৮} সূরা যারিয়াত: আয়াত- ৫৬

^{৪৭৯} সূরা আহযাব, আয়াত- ৪১-৪২

^{৪৮০} সূরা আলে ইমরান, আয়াত-১৯১

^{৪৮১} সূরা আল আরাফ, আয়াত- ২০৫

নেসাব পূর্ণ হলে বছরে একবার ইত্যাদি। শুধুমাত্র যিকর এমন ইবাদত যার কোন সময়, সীমা, পরিমাণ ও শর্ত নেই। দিনে রাতে, সকাল-সন্ধ্যায়, হাঁটতে-বসতে এমনকি শয়ান অবস্থায় এবং উষ্য অবস্থায় হোক কিংবা উষ্যবিহীন হোক সর্বাবস্থায় যিকর করার নির্দেশ দেয়া হয়েছে। তাছাড়া এই ইবাদতের জন্য কোন বিশেষ পরিশ্রমও করতে হয়না এবং কোন অবসরের দরকার পড়ে না। যিকরের উপকারিতা এতবেশী ও ব্যাপক যে, এর মাধ্যমে পার্থিব কার্যক্রমও ইবাদতে পরিণত হয়ে যায়। যেমন আহার করার সময় আহারের দোয়া পড়লে, ঘুমানোর সময় ঘুমের দোয়া পড়লে এগুলো ইবাদতে রূপান্তরিত হয়ে যায়। অর্থাৎ সর্বদা আল্লাহর স্মরণ রাখা কোন অবস্থাতেই আল্লাহ সম্পর্কে অমনোযোগী ও গাফেল না হওয়া।

আল্লাহ তায়ালা বলেন, **فَإِذَا قُضِيَتِ الصَّلَاةُ فَادْكُرُوا اللَّهَ قِيَامًا وَقُعُودًا وَعَلَىٰ جُنُوبِكُمْ** অতঃপর যখন তোমরা নামায সম্পন্ন কর, তখন দণ্ডায়মান, উপবিষ্ট ও শায়িত অবস্থায় আল্লাহর যিকর কর।^{৪৮২}

فَإِذَا قُضِيَتِ الصَّلَاةُ فَانْتَشِرُوا فِي الْأَرْضِ وَابْتَغُوا مِن فَضْلِ اللَّهِ وَاذْكُرُوا اللَّهَ كَثِيرًا لَّعَلَّكُمْ تُفْلِحُونَ অতঃপর নামায সমাপ্ত হলে তোমরা পৃথিবীতে ছড়িয়ে পড় এবং আল্লাহর অনুগ্রহ তালাশ কর ও বেশী বেশী আল্লাহর যিকর কর।^{৪৮৩}

আল্লাহ তায়ালা মু'মিনদের বৈশিষ্ট্য বর্ণনা করে বলেন— **إِنَّمَا الْمُؤْمِنُونَ الَّذِينَ إِذَا ذُكِرَ اللَّهُ يَٰرَا اللَّهُ وَجَلَتْ قُلُوبُهُمْ وَإِذَا تُلِيَتْ عَلَيْهِمْ آيَاتُهُ زَادَتْهُمْ إِيمَانًا وَعَلَىٰ رَبِّهِمْ يَتَوَكَّلُونَ** তারা এমন লোক যে, যখন আল্লাহর যিকর করা হয় তখন তাদের অন্তর ভীত হয়ে পড়ে। আর যখন তাদের সামনে আল্লাহর আয়াত পাঠ করা হয় তখন তাদের ঈমান বেড়ে যায় এবং তারা স্বীয় প্রভুর উপর ভরসা করে।^{৪৮৪}

وَبَشِّرِ الْمُخْبِتِينَ الَّذِينَ إِذَا ذُكِرَ اللَّهُ وَجَلَتْ قُلُوبُهُمْ যাদের অন্তর আল্লাহর যিকরে ভীত হয়।^{৪৮৫}

যিকরের ফযিলত

যিকরের মাধ্যমে আল্লাহর সাথে বান্দার যোগসূত্র হয়। বান্দা আল্লাহর দয়া ও মাগফিরাত লাভের যোগ্যতা অর্জন করতে সক্ষম হয়। আল্লাহ তায়ালা বলেন, **فَاذْكُرُونِي** তোমরা আমাকে স্মরণ করো আমি তোমাদেরকে স্মরণ (দয়া) করবো।^{৪৮৬}

^{৪৮২} সূরা নিসা, আয়াত- ১০৩

^{৪৮৩} সূরা জুমা, আয়াত- ১০

^{৪৮৪} সূরা আনফাল, আয়াত- ২

^{৪৮৫} সূরা হাজ্জ, আয়াত- ৩৪-৩৫

অর্থাৎ আল্লাহ তায়ালা বলেন, তোমরা যদি আমার হুকুমের আনুগত্যের মাধ্যমে আমাকে স্মরণ কর, আমি তোমাদেরকে সওয়াব ও মাগফিরাত দানের মাধ্যমে স্মরণ করব। আল্লাহর যিকরের দ্বারা বান্দার কুলব প্রশান্তি লাভ করে। যেমন আল্লাহ তায়ালা বলেন, **أَلَا بِذِكْرِ اللَّهِ تَطْمَئِنُّ الْقُلُوبُ** জেনে রাখো! আল্লাহর স্মরণেই আত্মাসমূহ প্রশান্তি লাভ করে।^{৪৮৭} যেহেতু মু'মিনের কুলব আল্লাহর আরশ, তাই আল্লাহর স্মরণে কুলব তথা আত্মা প্রশান্তি ভাল করে।

রাসূল ﷺ এরশাদ করেন, আল্লাহর যিকরকারীকে জীবিত ও যিকর থেকে গাফেল ব্যক্তিকে মৃতের সাথে তুলনা করেছেন। তিনি বলেন, **«مَثَلُ الَّذِي يَذْكُرُ رَبَّهُ وَالَّذِي لَا يَذْكُرُ»** যে ব্যক্তি আল্লাহর যিকর করে এবং যে আল্লাহর যিকর করে না তাদের দৃষ্টান্ত হলো জীবিত ও মৃতের ন্যায়।^{৪৮৮}

রাসূল ﷺ এরশাদ করেন— **يَقُولُ اللَّهُ تَعَالَى: أَنَا عِنْدَ ظَنِّ عَبْدِي بِي، وَأَنَا مَعَهُ إِذَا ذَكَرَنِي،** আল্লাহ **فَإِنْ ذَكَرَنِي فِي نَفْسِهِ ذَكَرْتُهُ فِي نَفْسِي، وَإِنْ ذَكَرَنِي فِي مَلَأٍ ذَكَرْتُهُ فِي مَلَأٍ خَيْرٍ مِنْهُمْ** তায়ালা বলেন— আমি আমার বান্দার ধারণা মোতাবেক হই এবং আমি তার সাথে থাকি যখন সে আমার যিকর করে। যদি সে তার মনে মনে আমার যিকর করে আমি তাকে আমার কুদরতি মনে যিকর করি। আর যদি সে আমাকে মজলিসে গণজমায়েতে যিকর করে তাহলে আমি তাকে তাদের চেয়ে উত্তম মজলিসে স্মরণ করি।^{৪৮৯}

হযরত আবু হোরায়ারা ও আবু সাঈদ খুদরী (রা.) থেকে বর্ণিত, তাঁরা বলেন, রাসূল ﷺ এরশাদ করেন— **«لَا يَقَعْدُ قَوْمٌ يَذْكُرُونَ اللَّهَ عَزَّ وَجَلَّ إِلَّا حَفَّتْهُمُ الْمَلَائِكَةُ، وَعَشِيَتْهُمْ الرَّحْمَةُ، وَنَزَلَتْ عَلَيْهِمُ السَّكِينَةُ، وَذَكَرَهُمُ اللَّهُ فِيمَنْ عِنْدَهُ»** কোন দল বসে বসে আল্লাহর যিকর করলে ফেরেশ্তারা তাদেরকে রহমতে ঢেকে নেন এবং তাদের উপর শান্তি নাযিল করেন আর আল্লাহর নিকটবর্তী ফেরেশ্তাদেরকে নিয়ে আল্লাহ তাদের স্মরণ করেন।^{৪৯০}

হযরত আবু হোরায়ারা (রা.) থেকে বর্ণিত, রাসূল ﷺ এরশাদ করেন, আল্লাহর একদল ফেরেশ্তা আছেন, যারা আল্লাহর যিকরে মশগুল লোকদের তালাশে রাস্তায় রাস্তা

^{৪৮৬} সূরা আল বাকারা, আয়াত- ১৫২

^{৪৮৭} সূরা রা'দ, আয়াত-২৮

^{৪৮৮} বুখারী ও মুসলিম, সূত্র: মিশকাত শরীফ, পৃ. ১৯৬

^{৪৮৯} বুখারী ও মুসলিম, সূত্র: মিশকাত শরীফ, পৃ-১৯৬

^{৪৯০} মুসলিম শরীফ, সূত্র: মিশকাত শরীফ, পৃ- ১৯৬

যি ঘুরাফেরা করেন। যখন তারা কোথাও আল্লাহর যিকরে মশগুল লোকদের দেখতে পান, তখন তাদের একজন অপরজনকে ডেকে বলেন, তোমরা নিজ কর্তব্য পালনের জন্য এদিকে চলে এসো। তখন তারা সবাই এসে তাদের ডানাগুলো দিয়ে সেই লোকদের ঢেকে ফেলেন নিকটস্থ আসমান পর্যন্ত। তখন তাদের রব তাদের জিজ্ঞাসা করেন অথচ এ সম্পর্কে তিনি বেশী জ্ঞাত। আমার বান্দারা কি বলছে? জবাবে তারা বলেন, তারা আপনার পবিত্রতা বর্ণনা করছে, আপনার শ্রেষ্ঠত্ব প্রকাশ করছে, আপনার প্রশংসা করছে এবং আপনার মাহাত্ম্য বর্ণনা করছে। তখন তিনি জিজ্ঞাসা করবেন, তারা কি আমাকে দেখেছে? ফেরেশ্তারা বলবেন, হে আমাদের রব! আপনার কসম! তারা আপনাকে দেখেনি। তিনি বলবেন আচ্ছা, তবে যদি তারা আমাকে দেখত? তারা বলবেন, যদি তারা আপনাকে দেখত তবে তারা আরো বেশী আপনার ইবাদত করত, আরো অধিক আপনার মাহাত্ম্য বর্ণনা করত, আর বেশী বেশী আপনার পবিত্রতা বর্ণনা করত। বর্ণনাকারী বলেন, তিনি (আল্লাহ) বলবেন, তারা আমার কাছে কি চায়? তারা বলবেন, তারা আপনার কাছে জান্নাত চায়। তিনি জিজ্ঞাসা করবেন, তারা কি জান্নাত দেখেছে? তারা বলবেন, না, আপনার সত্তার কসম! হে রব! তারা তা দেখেনি। তিনি জিজ্ঞাসা করবেন, যদি তারা তা দেখতো তবে তারা কি করতো? তারা বলবেন, যদি তারা তা দেখতো তাহলে তারা আরো বেশী বেশী জান্নাত আশা করতো। আরো অধিক চাইত এবং এর জন্য আরো অধিক অতিশ্রয় উৎসাহী হয়ে উঠত। আল্লাহ জিজ্ঞাসা করবেন, তারা কিসের থেকে আল্লাহর আশ্রয় চায়? তারা বলবেন, জাহান্নাম থেকে। তিনি জিজ্ঞাসা করবেন, তারা কি জাহান্নাম দেখেছে? তারা বলবেন, আল্লাহর কসম! হে রব! তারা জাহান্নাম দেখেনি। যদি তারা তা দেখত তবে তারা তা থেকে দ্রুত পালিয়ে যেত এবং একে সাংঘাতিক ভয় করতো। তখন আল্লাহ তায়ালা বলবেন, আমি তোমাদের সাক্ষি রাখছি, আমি তাদের মাফ করে দিলাম। তখন ফেরেশ্তাদের একজন বলবেন, তাদের মধ্যে অমুক ব্যক্তি আছে, যে তাদের (যিকরকারীদের) অন্তর্ভুক্ত নয় বরং সে কোন প্রয়োজনে এসেছে। আল্লাহ তায়ালা বলবেন, তারা এমন উপবিষ্টকারীবৃন্দ, যাদের বৈঠকে অংশগ্রহণকারী বিমুখ হয় না। অর্থাৎ তাকেও ক্ষমা করে দিলাম।^{৪৯১}

হযরত আবু হোরাযরা (রা.) থেকে বর্ণিত, তিনি বলেন, রাসূল ﷺ এরশাদ করেন-
 اِنَّ اللّٰهَ تَعَالٰى يَقُولُ اَنَا مَعَ عَبْدِيْ اِذَا ذَكَرْنِيْ
 আল্লাহ তায়ালা বলেন, আমি আমার বান্দার সাথে থাকি যখন সে আমার যিকর করে।^{৪৯২}

^{৪৯১}. ইমাম বুখারী (র.) (২৫৬ হি), সহীহ বুখারী শরীফ, খণ্ড-২, পৃ- ৯৪৮, হাদিস নং- ৫৯৬৬

^{৪৯২}. ইমাম বুখারী (র.) (২৫৬ হি), বুখারী শরীফ, সূত্র: মিশকাত শরীফ, পৃ- ১৯৯

জনৈক গ্রাম্য ব্যক্তি এসে নবী করিম ﷺ থেকে জিজ্ঞাসা করল- হে আল্লাহর রাসূল! أَفْضَلُ الْأَعْمَالِ كَيْفَ? কোন আমলটি উত্তম? রাসূল ﷺ উত্তরে বললেন, أَنْ تَفَارِقَ الدُّنْيَا وَلِسَانُكَ رَطْبٌ مِنْ ذِكْرِ اللَّهِ সর্বোত্তম আমল হলো দুনিয়াবিমুখ হওয়া এবং সর্বদা আল্লাহর যিকর দ্বারা তোমার জিহ্বা সিক্ত রাখা।^{৪৯৩}

হযরত ইবনে ওমর (রা.) থেকে বর্ণিত, তিনি বলেন, রাসূল ﷺ এরশাদ করেন, تَكْثُرُوا الْكَلَامَ بِغَيْرِ ذِكْرِ اللَّهِ فَإِنَّ كَثْرَةَ الْكَلَامِ بِغَيْرِ ذِكْرِ اللَّهِ قَسْوَةٌ لِلْقَلْبِ، وَإِنْ أَبْعَدَ النَّاسَ مِنَ اللَّهِ تَوَمَّرُوا الْقَلْبُ الْقَاسِي. তোমরা আল্লাহর যিকর ব্যতীত অধিক কথা বলবেনা। কেননা আল্লাহর যিকর ব্যতীত অধিক কথা বললে অন্তর কঠিন হয়ে যায়। আর নিশ্চয় কঠিন হৃদয়ব্যক্তি আল্লাহর রহমত হতে বহু দূরে থাকে।^{৪৯৪}

হযরত আব্দুল্লাহ ইবনে বুসর (রা.) থেকে বর্ণিত, এক ব্যক্তি বলল, হে আল্লাহর রাসূল! ইসলামী শরিয়তে আমলসমূহ অনেক বেশী মনে হচ্ছে। সহজ একটি আমল সম্পর্কে আমাকে অবহিত করুন, যার উপর আমি সর্বদা আমল করতে পারি। রাসূল ﷺ বলেন, «لَا يَزَالُ لِسَانُكَ رَطْبًا مِنْ ذِكْرِ اللَّهِ» তোমার জিহ্বা যেন সর্বদা আল্লাহর যিকরে সিক্ত থাকে।^{৪৯৫}

হযরত মুয়ায ইবনে জাবল (রা.) থেকে বর্ণিত, তিনি বলেন- مَا عَمِلَ الْعَبْدُ عَمَلًا أَجْنَى لَهُ مِنْ عَذَابِ اللَّهِ، مِنْ ذِكْرِ اللَّهِ মুক্তিদানকারী কোন আমল নেই।^{৪৯৬}

শয়তান মানুষকে পাপ কাজে লিপ্ত করে। আর পাপের কারণে মানুষের অন্তরে কালিমা সৃষ্টি হয়। এই কালিমা দূরীভূত হয় আল্লাহর যিকর দ্বারা। হযরত আব্দুল্লাহ ইবনে ওমর (রা.) থেকে বর্ণিত, রাসূল ﷺ এরশাদ করেন, لِكُلِّ شَيْءٍ صَقَالَةٌ وَصَقَالَةُ الْقَلْبِ ذِكْرُ اللَّهِ প্রত্যেক বস্তু পরিষ্কার করার উপকরণ আছে। আর অন্তরের ময়লা পরিষ্কার করার উপকরণ হলো আল্লাহর যিকর।^{৪৯৭}

^{৪৯৩} ইমাম আহমদ ও তিরমিযী (র.), সূত্র: মিশকাত শরীফ, পৃ- ১৯৮

^{৪৯৪} ইমাম তিরমিযী (র.) (২৭৯ হি), জামে তিরমিযী, সূত্র: মিশকাত শরীফ, পৃ- ১৯৮

^{৪৯৫} তিরমিযী ও ইবনে মাজাহ, সূত্র: মিশকাত শরীফ, পৃ- ১৯৮

^{৪৯৬} ইমাম মালিক, তিরমিযী ও ইবনে মাজাহ (র.), সূত্র: মিশকাত শরীফ, পৃ- ১৯৯

^{৪৯৭} ইমাম বায়হাকী (র.) (৪৫৮ হি), আদ দাওয়াতুল কবীর, সূত্র: মিশকাত শরীফ, পৃ- ১৯৯

যিকর দ্বারা শয়তান বিতাড়িত হয়

শয়তান মানুষের চিরশত্রু। সে সর্বদা মানব জাতিকে গুনাহে লিপ্ত করে জাহান্নামী বানাতে আশ্রয় চেষ্টা চালায়। আর শয়তান ধরা-ছোঁয়ার বাইরে এবং মানুষের রক্তে মিশে যাওয়ার ক্ষমতা আছে বিধায় তাকে দমন করা বড়ই কঠিন। আল্লাহর যিকর হলো শয়তানকে বিতাড়িত করার বড় সফল অস্ত্র। রাসূল ﷺ এরশাদ করেন— **الشَّيْطَانُ جَائِمٌ** শয়তান আদম সন্তানের অন্তরে হাঁটু গেড়ে বসে থাকে। যখন সে আল্লাহর যিকর করে, তখন শয়তান পালিয়ে যায় আর যখন সে আল্লাহর যিকর থেকে গাফেল হয় তখন শয়তান প্ররোচনা দেয়।^{৪৯৮}

যিকর হলো সর্বোত্তম ইবাদত। হযরত আবুদ দারদা (রা.) থেকে বর্ণিত, তিনি বলেন, রাসূল ﷺ সাহাবায়ে কিরামকে সম্বোধন করে এরশাদ করেন, আমি কি তোমাদেরকে এমন বস্তুর সংবাদ দেবো না যা তোমাদের যাবতীয় আমলের চাইতে উত্তম, তোমাদের প্রভুর নিকট সর্বাদিক গ্রহণযোগ্য, তোমাদের মর্যাদা বিশেষভাবে বর্ধনকারী। আল্লাহর রাস্তায় সোনা-রূপা দান করা এবং আল্লাহর পথে জিহাদের উদ্দেশ্যে বের হয়ে শত্রুদের মোকাবেলা করতে গিয়ে তাদেরকে হত্যা করা বা নিজে শাহাদাত বরণ করার চাইতে উত্তম? সাহাবায়ে কিরাম আরয করলেন, ইয়া রাসূল্লাহ সেটি কি বস্তু? রাসূল ﷺ এরশাদ করেন সেটি হলো আল্লাহর যিকর।^{৪৯৯}

সর্বোত্তম যিকর

সর্বোত্তম যিকর কোনটি তা নিয়ে বিভিন্ন রেওয়ায়েত পরিলক্ষিত হয়। কোন কোন রেওয়ায়েতে আছে সর্বোত্তম যিকর হলো, কালিমায়ে তায়েয়াবাহ। কারণ এর দ্বারা অন্তর পরিষ্কার হয়। কোন রেওয়ায়েতে আছে, তিলাওয়াতে কুরআন হলো সর্বোত্তম যিকর। কেননা এতে একটি হরফে দশটি নেকী পাওয়া যায়। কোন রেওয়ায়েতে আছে, তাওবা ও ইস্তেগফার হলো উত্তম যিকর। এতে মুসিবত থেকে উদ্ধার পাওয়া যায়, গুনাহ মাফ হয় এবং রিযিকে বরকত হয়। কোন রেওয়ায়েতে আছে— সর্বোত্তম যিকর হলো দুরূদ শরীফ পাঠ। কোন রেওয়ায়েতে আছে— **سُبْحَانَ اللَّهِ وَبِحَمْدِهِ سُبْحَانَ اللَّهِ الْعَظِيمِ** এর দ্বারা কিয়ামত দিবসে মীযান ভারী হবে। কোন রেওয়ায়েতে আছে— উত্তম যিকর হলো তাসবীহে ফাতেমী। অর্থাৎ সুবহান্নাল্লাহ ৩৩ বার, আলহামদুলিল্লাহ ৩৩ বার এবং আল্লাহু আকবর ৩৪ বার প্রত্যেক বাদে ফজর ও বাদে মাগরিব।^{৫০০}

^{৪৯৮}. ইমাম বুখারী (র.) (২৫৬ হি), বুখারী শরীফ, সূত্র: মিশকাত শরীফ, পৃ- ১৯৯

^{৪৯৯}. ইমাম মালিক, আহমদ, তিরমিযী ও ইবনে মাজাহ (র.), সূত্র: মিশকাত শরীফ, পৃ- ১৯৮

^{৫০০}. মুফতী আহমদ ইয়ার খান নঈমী (র.) (১৩৯১ হি), তাফসীরে নঈমী, খণ্ড-২ পৃ- ৬৯

যিকরের ফযিলত

হযরত আবু সাঈদ খুদরী (রা.) থেকে বর্ণিত, রাসূল ﷺ এর নিকট প্রশ্ন করা হলো যে, কিয়ামত দিবসে আল্লাহর নিকট কোন বান্দার মর্যাদা সবচেয়ে বেশী হবে। তিনি বলেন **الذَّاكِرُونَ** অধিক পরিমাণে আল্লাহর যিকরকারীদের। আমি আরয করলাম— হে আল্লাহর রাসূল! আল্লাহর রাস্তায় জিহাদকারীদের চেয়েও কি বেশী? তিনি বললেন— যদি কেউ কোন কাফির ও মুশরিকদের উপর তরবারী দিয়ে আঘাত করে এবং তার তরবারী ভেঙ্গে যায় আর সে কাফির ও মুশরিক রক্তাক্ত হয়ে পড়ে তবুও আল্লাহর যিকরকারীর মর্যাদা তার চেয়েও বেশী এবং উত্তম।^{৫০১}

হযরত ইবনে আব্বাস (রা.) থেকে বর্ণিত, তিনি বলেন, রাসূল ﷺ এরশাদ করেন— **ما من صدقة افضل من ذكر الله** আল্লাহর যিকরের চেয়ে উত্তম কোন সাদকা নেই।^{৫০২}

হযরত সুহাইল ইবনে হানযালা (রা.) থেকে বর্ণিত, তিনি বলেন, রাসূল ﷺ এরশাদ করেন, **ما جلس قوم مجلسا يذكرون الله عز وجل ويقومون حتى يقال لهم قوموا فقد** এরশাদ করেন, যেসব লোক কোন মজলিসে বসে আল্লাহর যিকর করে যখন মজলিস থেকে উঠে তখন তাদের উদ্দেশ্যে বলা হয় যে, তোমরা উঠ। আল্লাহ তায়ালা তোমাদের ক্ষমা করে দিয়েছেন এবং তোমাদের গুনাহ সমূহকে নেকীতে পরিবর্তন করে দিয়েছেন।^{৫০৩}

হযরত জাবির (রা.) থেকে বর্ণিত, তিনি বলেন— **خَرَجَ عَلَيْنَا رَسُولُ اللَّهِ صَلَّى اللَّهُ عَلَيْهِ وَسَلَّمَ فَقَالَ: " يَا أَيُّهَا النَّاسُ إِنَّ لِلَّهِ عَزَّ وَجَلَّ سَرَايَا مِنَ الْمَلَائِكَةِ تَقِفُ وَتَحُلُّ عَلَى مَجَالِسِ الذِّكْرِ، فَارْتَعُوا فِي رِيَاضِ الْجَنَّةِ "** . **قُلْنَا: أَيْنَ رِيَاضُ الْجَنَّةِ يَا رَسُولَ اللَّهِ ؟ قَالَ: " مَجَالِسُ الذِّكْرِ اغْدُوا "** রাসূল ﷺ আমাদের থেকে বের হলেন আর বললেন, হে লোক সকল! আল্লাহর একদল ফেরেশতা আছেন। তারা কোন যিকরের মজলিস পেলে সেখানে অবস্থান করেন। অতঃপর তোমরা জান্নাতের বাগানের ফল খাও। আমরা বললাম, জান্নাতের বাগান কোথায়? হে আল্লাহর রাসূল! তিনি বললেন, যিকরের মজলিস সমূহ।^{৫০৪}

হযরত আনাস (রা.) থেকে বর্ণিত, তিনি বলেন, রাসূল ﷺ এরশাদ করেন— **إِذَا " مَرَرْتُمْ بِرِيَاضِ الْجَنَّةِ فَارْتَعُوا "** . **قَالُوا: يَا رَسُولَ اللَّهِ، وَمَا رِيَاضُ الْجَنَّةِ ؟ قَالَ: " حِلَقُ الذِّكْرِ "**

^{৫০১}. ইমাম তিরমিযী (র.) (২৭৯ হি), জামে তিরমিযী, পৃ- ৪৮৬-৮৭

^{৫০২}. হাফিয নুরুদ্দীন আলী হায়সামী (র.) (৮০৭ হি), মাজমাউয যাওয়ায়েদ, খণ্ড-১০ পৃ- ৭৩-৭৪

^{৫০৩}. হাফিয নুরুদ্দীন আলী হায়সামী (র.) (৮০৭ হি), মাজমাউয যাওয়ায়েদ, খণ্ড-১০ পৃ- ৭৫-৭৬

^{৫০৪}. ইমাম বায়হাকী (র.) (৪৫৮ হি), শোয়াবুল ইমান, খণ্ড-২ পৃ- ৬৫

তোমরা যখন জান্নাতের বাগানের পাশ দিয়ে গমন করবে, তখন তার ফল খাও। সাহাবীগণ আরম্ভ করলেন, হে আল্লাহর রাসূল! জান্নাতের বাগান কোনটি? উত্তরে তিনি বললেন— যিকরের মজলিস।^{৫০৫}

শিরক

শিরকের সংজ্ঞায় আল্লামা তাফতযানী (র.) বলেন— **الإشراك هو اثبات الشريك في** الوهية بمعنى وجوب الوجود كما للمجوس أو كمضى استحقاق العبادة كما لعبدة الأصنام শিরক বলা হয় আল্লাহর উলুহিয়াতে অস্তিত্ব অবশ্যম্ভাবী অন্য কাউকে শরীক করা, অর্থাৎ আল্লাহ ছাড়া অন্য কারো জন্য অস্তিত্ব অবশ্যম্ভাবীকে সাবস্তু করা যে রূপ করে থাকে অগ্নিপূজারীরা অথবা মূর্তিপূজারীদের ন্যায় অন্য কাউকে ইবাদতের যোগ্য মনে করা।^{৫০৬}

শিরক হলো সর্বোচ্চ পর্যায়ের গুনাহ। আল্লাহ তায়ালা বলেন, **إِنَّ الشِّرْكَ لَظُلْمٌ عَظِيمٌ** নিশ্চয়ই শিরক বড় যুলুম।^{৫০৭}

হাদিস শরীফে আছে— **عَنْ عَبْدِ اللَّهِ بْنِ مَسْعُودٍ: قَالَ قَالَ رَسُولُ اللَّهِ: أَيُّ الذَّنْبِ** هَـ **أَكْبَرُ عِنْدَ اللَّهِ؟ قَالَ: " أَنْ تَدْعُو اللَّهَ نِدَاءً وَهُوَ خَلَقَكَ الْخ "** (রা.) থেকে বর্ণিত, তিনি বলেন, এক ব্যক্তি বলল, হে আল্লাহর রাসূল! আল্লাহর নিকট সবচেয়ে বড় গুনাহ কোনটি? উত্তরে তিনি বলেন— আল্লাহর সাথে কাউকে শরীক করা অথচ তিনি তোমার সৃষ্টিকর্তা।^{৫০৮}

হযরত আবু বাকরা (রা.) থেকে বর্ণিত, তিনি বলেন— একদিন আমরা রাসূল ﷺ এর খেদমতে ছিলাম। তিনি বলেন, **أَلَا أُنبِّئُكُمْ بِأَكْبَرِ الْكِبَايِرِ ثَلَاثًا الْإِشْرَاكُ بِاللَّهِ وَعُقُوقُ** الْوَالِدَيْنِ আমি কি তোমাদের সর্বোচ্চ গুনাহের সংবাদ দেব না? কথাটি তিনি তিনবার বলেছেন। সর্বোচ্চ গুনাহ হলো আল্লাহর সাথে কাউকে শরীক করা, পিতা-মাতার অবাধ্য হওয়া এবং মিথ্যা সাক্ষ্য দেয়া ও মিথ্যা কথা বলা।^{৫০৯}

শিরক ক্ষমার অযোগ্য গুনাহ। আল্লাহ তায়ালা বলেন, **إِنَّ اللَّهَ لَا يَغْفِرُ أَنْ يُشْرَكَ بِهِ** وَيَغْفِرُ مَا دُونَ ذَلِكَ لِمَنْ يَشَاءُ وَمَنْ يُشْرِكْ بِاللَّهِ فَقَدْ ضَلَّ ضَلَالًا بَعِيدًا নিশ্চয় আল্লাহ তাঁর সাথে

^{৫০৫} ইমাম বায়হাকী (র.) (৪৫৮ হি), শোয়াবুল ইমান, খণ্ড-২ পৃ- ৬৬

^{৫০৬} আল্লামা সা'দ উদ্দীন তাফতযানী (র.) (৭৯১ হি), শরহুল আকাঈদিন নসফিয়্যা, পৃ-৬১

^{৫০৭} সূরা লোকমান, আয়াত-১৩

^{৫০৮} বুখারী ও মুসলিম, সূত্র: মিশকাত শরীফ, পৃ-১৬

^{৫০৯} ইমাম মুসলিম (র.) (২৬১ হি), সহীহ মুসলিম শরীফ, খণ্ড-১, হাদিস নং- ১৬৭

শরীক করাকে ক্ষমা করেন না। এছাড়া সব কিছু যাকে ইচ্ছে তিনি ক্ষমা করেন এবং কেউ আল্লাহর সাথে শরীক করলে সে ভীষণভাবে পথভ্রষ্ট হয়।^{৫১০}

শিরক সম্পর্কে কঠোর হুঁশিয়ারী উচ্চারণ করে রাসূল ﷺ এরশাদ করেন— لَا تُشْرِكْ بِاللَّهِ شَيْئًا وَإِنْ قُلْتَ وَحُرِفَتْ آيَاتُكَ بِإِذْنِ اللَّهِ فَاصْبِرْ ۚ إِنَّكَ مِنَ الْمُسْلِمِينَ (আল্লাহর সাথে কাউকে শরীক করিও না, যদিও তোমাকে হত্যা করা হয় এবং জ্বালিয়ে দেয়া হয়)।^{৫১}

কবীরা গুনাহ

إِنْ تَجْتَبُوا كِبَارَ مَا تُنْهَوْنَ عَنْهُ نُكَفِّرْ عَنْكُمْ سَيِّئَاتِكُمْ وَنُدْخِلَكُمْ مُدْخِلَآ كَرِيمًا

যদি তোমরা বেঁচে থাক সেসব বড় গুনাহগুলো থেকে যা থেকে তোমাদেরকে নিষেধ করা হয়েছে, তাহলে আমি তোমাদের ছোট গুনাহ গুলো ক্ষমা করে দেব এবং সম্মান জনক স্থানে তোমাদের প্রবেশ করাব।^{৫২}

উপরোক্ত আয়াত দ্বারা প্রতীয়মান হয় যে, গুনাহ দুই প্রকার। কবীরা (বড়) গুনাহ ও সগীরা (ছোট) গুনাহ। কবীরা গুনাহের সংজ্ঞায় মীর সৈয়দ শরীফ (র.) বলেন— الكبيرة। কবীরা গুনাহ هي ما كان حرامًا محضًا شرع عليها عقوبة محصنة بنص قاطع في الدنيا والاخرة হলো যা মূলত হারাম বা নিষিদ্ধ। যার বিরুদ্ধে শরীয়তে ইহকাল ও পরকালে শাস্তির অকাট্য দলীল রয়েছে।^{৫১৩}

الكبائر جمع كبيرة وهي السيئة العظيمة قيل ما اوعد عليه (ر.) বলেন, মোল্লা আলী কারী (র.) বলেন, الشارع بخصوصه وقيل ما عين له حد وقيل النسب اضافية فقد يكون الذنب كبيرة بالنسبة لما دونه وصغيرة لنسبة الى ما فوقه وقد يتفاوت باعتبار الاشخاص والاحوال كما قيل حسنات الابرار سيئات المقربين কাবায়ের শব্দটি কবীরার বহুবচন। বড় গুনাহকে কবীরা গুনাহ বলা হয়। কেউ কেউ বলেন— বিশেষ করে যেগুলোর বিরুদ্ধে কুরআন হাদিসে শাস্তির বিধান বর্ণিত হয়েছে। আবার কেউ কেউ বলেন, যে গুনাহের জন্য শাস্তি নির্ধারিত করা হয়েছে। অনেকেই বলেন, কবীরা-সগীরার নির্দিষ্ট কোন সংজ্ঞা নেই। বরং কম অপরাধ গুনাহের

৫১০. সূরা নিসা, আয়াত- ১১৬

^{৫১১} ইমাম আহমদ ইবনে হাম্বল (র.) (২৪১ হি), মুসনাদে আহমদ, সূত্র: মিশকাত শরীফ, পৃ- ১৮

৫১২. সূরা নিসা, আয়াত-৩১

৫১৩. মীর সৈয়দ শরীফ (র.) (৮১৬ হি), কিতাবুত তা'রীফাত, পৃ-১৮৩, বৈরুত

তুলনায় বড় অপরাধমূলক গুনাহ হলো কবীরা। পক্ষান্তরে বড় অপরাধমূলক গুনাহের তুলনায় ছোট অপরাধ মূলক গুনাহ হলো সগীরা। এটি আবার ব্যক্তি ও অবস্থা ভেদে বেশ-কম হয়। যেমন বলা হয় যে, সাধারণ নেককার লোকদের অনেক সৎকাজ আল্লাহর নৈকট্য প্রাপ্ত লোকদের জন্য তা গুনাহ হিসাবে বিবেচিত হয়।^{৫১৪}

হযরত ইবনে আব্বাস (রা.) বলেন— **الله عنه فهو كبيرة**—যেসব অপরাধের শাস্তির তায়াল্লা নিষেধ করেছেন তাই কবীরা গুনাহ।

ইমাম রায়ী (র.)এর মতে **الكبيرة هي التي مقدار عقبها عظيم** যেসব অপরাধের শাস্তির পরিমাণ বেশী তাকে কবীরা গুনাহ বলে। কারো কারো মতে **الكبائر ما وعد الله عليه بالنار** কবীরা গুনাহ বলা হয় যেগুলোর ব্যাপারে আল্লাহ তায়াল্লা স্পষ্টভাবে দোযখের হুমকি দিয়েছেন। পবিত্র কুরআন ও হাদিসে কবীরা গুনাহের পূর্ণ সংখ্যার বর্ণনা একত্রে উল্লেখ নেই। তবে কুরআন হাদিস থেকে অন্বেষণ করে ওলামায়ে কিরাম এর সংখ্যা ৭০টি বলে উল্লেখ করেছেন। তবে এতে সীমাবদ্ধ নয়। প্রসিদ্ধ কবীরা গুনাহসমূহ নিম্নে উল্লেখ করা হলো, (১) আল্লাহর সাথে কাউকে শরীক করা (২) কাউকে অন্যায়ভাবে হত্যা করা (৩) পিতা-মাতার অবাধ্য হওয়া (৪) সন্তান-সন্ততিকে হত্যা করা (৫) ইয়াতিমের হক আত্মসাৎ করা (৬) যিনা করা (৭) ওযনে কম দেওয়া (৮) নির্দোষ মহিলার উপর যিনার মিথ্যা অপবাদ দেওয়া (৯) সুদ খাওয়া ও দেওয়া (১০) যাদু ও বান-টোনা ইত্যাদি করা (১১) আমানতের খিয়ানত করা (১২) ওয়াদা ভঙ্গ করা (১৩) মিথ্যা বলা (১৪) ফরয ইবাদত পরিত্যাগ করা (১৫) চুরি করা (১৬) গীবত করা ও শোনা (১৭) মদ্যপান করা (১৮) জুয়া খেলা (১৯) যুলুম করা (২০) মিথ্যা শপথ করা (২১) মিথ্যা সাক্ষ্য দেওয়া (২২) অহংকার করা (২৩) আত্মীয়তার বন্ধন ছিন্ন করা (২৪) ঘুষ খাওয়া (২৫) সাহাবায়ে কিরামদের মন্দ বলা (২৬) আল্লাহ ছাড়া অন্য কাউকে সিজদা করা (২৭) কোন মুসলমানকে কাফির, বেঈমান আল্লাহর দুশমন ইত্যাদি বলা (২৮) স্বামী-স্ত্রীর মধ্যে বিবাদ বাঁধিয়ে দেয়া (২৯) সত্যের বিপরীত বিচার করা (৩০) চোগলী করা ইত্যাদি।

কবীরা গুনাহ তাওবা ব্যতীত মাফ হয় না তবে সগীরা গুনাহ নেকআমলের দ্বারা মাফ হয়ে যায়। আর সগীরা গুনাহও যদি বেপরোয়াভাবে ঔদ্ধতের সাথে বারবার করা হয়, তা কবীরা গুনাহের পর্যায়ভুক্ত হয়ে যায়। হাদিস শরীফে আছে— **عن النبي صلى الله عليه وسلم**

لا صغيرة مع الاسرار ولا كبيرة مع الاستغفار নবী করিম ﷺ থেকে বর্ণিত, সগীরা গুনাহ বারবার করতে থাকলে তা আর সগীরা থাকেনা বরং কবীরা হয়ে যায় এবং ইস্তেগফার দ্বারা কবীরা গুনাহের অস্তিত্ব থাকেনা।^{৫১৫}

عن بعض الحكماء لا تحقروا الذنوب الصغار فانها تنشعب منها الذنوب الكبار জ্ঞানী থেকে বর্ণিত আছে যে, তোমরা কোন গুনাহকে ক্ষুদ্র মনে করোনা। কারণ ক্ষুদ্র গুনাহ থেকেই কবীরা (বড়) গুনাহ সৃষ্টি হয়।^{৫১৬}

বর্ণিত আছে যে, আল্লাহ তায়ালা হযরত ওয়াইর (আ.)কে ওহীর মাধ্যমে বলেছেন, হে ওয়াইর! যখন তুমি কোন ক্ষুদ্র গুনাহ কর তখন এর ক্ষুদ্রতার প্রতি লক্ষ্য করিওনা; বরং যার আদেশ লঙ্ঘন করে গুনাহ করেছে সেই মহান সত্তার দিকে লক্ষ্য কর।^{৫১৭}

আল্লাহর দয়া

عن أَبِي هُرَيْرَةَ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ يَقُولُ اللَّهُ إِذَا أَرَادَ عَبْدِي أَنْ يَعْمَلَ سَيِّئَةً فَلَا تَكْتُبُوهَا عَلَيْهِ حَتَّى يَعْمَلَهَا فَإِنْ عَمِلَهَا فَكْتُبُوهَا بِمِثْلِهَا وَإِنْ تَرَكَهَا مِنْ أَجْلِي فَكْتُبُوهَا لَهُ حَسَنَةً وَإِذَا أَرَادَ أَنْ يَعْمَلَ حَسَنَةً فَلَمْ يَعْمَلَهَا فَكْتُبُوهَا لَهُ حَسَنَةً فَإِنْ عَمِلَهَا فَكْتُبُوهَا لَهُ بِعَشْرِ أَمْثَالِهَا إِلَى أَنْ يَمُوتَ هযরত আবু হোরাইরা (রা.) থেকে বর্ণিত, রাসূল ﷺ এরশাদ করেন, আল্লাহ বলেন- আমার বান্দা কোন গুনাহর কাজ করার ইচ্ছা পোষণ করলে তা না করা পর্যন্ত (ফেরেস্তাদেরকে বলেন) তার গুনাহ লেখোনা। আর যদি তা করেও ফেলে, তাহলে তা সমপরিমাণ লেখো আর যদি সে ঐ গুনাহের কাজ আমার কারণে পরিহার করে, তাহলেও তার জন্য একটি নেকী লেখো। পক্ষান্তরে বান্দা যদি কোন ভাল কাজের ইচ্ছা করল কিন্তু তা না করে, তবুও তোমরা তার জন্য একটি নেকী লিপিবদ্ধ কর। অতঃপর যদি সে তা সম্পাদন করে, তবে তার জন্য তোমরা কাজটির দশগুণ থেকে সাতশ গুণ পর্যন্ত লেখো।^{৫১৮}

উক্ত হাদিস দ্বারা প্রতীয়মান হলো যে, বান্দা গুনাহ করার ইচ্ছে করে খোদার ভয়ে গুনাহের কাজটি পরিত্যাগ করলেও তাকে সওয়াব প্রদান করা হয়। অর্থাৎ বান্দা কোন আমল না করেও সওয়াব প্রাপ্ত হয়।

^{৫১৫}. ইমাম কুরতুবী (র.) (৬৮৫ হি), আহকামুল কুরআন, খণ্ড-৫, পৃ-১৫৯, আল্লামা ইবনে হাজার আসকালানী (র.) (৮৫২ হি), আল মুনাবিহাত, ১৯ নং উপদেশ

^{৫১৬}. প্রাগুক্ত, উপদেশ নং-১০

^{৫১৭}. প্রাগুক্ত, উপদেশ নং-৪৭

^{৫১৮}. মুহাম্মদ ইবনে ইসমাঈল বুখারী (র.) (২৫৬ হি.), সহীহ বুখারী শরীফ, খণ্ড, ২য়, পৃ. ১১১৭ হাদিস নং ৬৯৯২

عَنْ أَنَسٍ رَضِيَ اللَّهُ عَنْهُ عَنِ النَّبِيِّ صَلَّى اللَّهُ عَلَيْهِ وَسَلَّمَ يَرُويهِ عَنْ رَبِّهِ قَالَ إِذَا تَقَرَّبَ الْعَبْدُ إِلَيَّ شَبْرًا تَقَرَّبْتُ إِلَيْهِ ذِرَاعًا وَإِذَا تَقَرَّبَ مِنِّي ذِرَاعًا تَقَرَّبْتُ مِنْهُ بَاعًا وَإِذَا أَتَانِي مَشْيًا أَتَيْتُهُ هَرَوَلَةً

হযরত আনাস (রা.) থেকে বর্ণিত, তিনি বলেন নবী করিম ﷺ তাঁর প্রতিপালক থেকে বর্ণনা করেন- তিনি (আল্লাহ) বলেন- আমার বান্দা যখন আমার দিকে এক বিঘত পরিমাণ নিকটবর্তী হয়, আমি তখন তার দিকে এক হাত পরিমাণ নিকটবর্তী হই। আর সে যখন আমার দিকে এক হাত পরিমাণ নিকটবর্তী হয় আমি তখন তার দিকে দু'হাত পরিমাণ নিকটবর্তী হই। সে যখন আমার দিকে হেঁটে আসে তখন আমি তার দিকে দৌড়ে যাই।^{৫১৯}

عَنْ أَبِي هُرَيْرَةَ رَضِيَ اللَّهُ عَنْهُ قَالَ قَالَ النَّبِيُّ صَلَّى اللَّهُ عَلَيْهِ وَسَلَّمَ يَقُولُ اللَّهُ تَعَالَى أَنَا عِنْدَ ظَنِّ عَبْدِي بِي وَأَنَا مَعَهُ إِذَا ذَكَرَنِي فَإِنْ ذَكَرَنِي فِي نَفْسِهِ ذَكَرْتُهُ فِي نَفْسِي وَإِنْ ذَكَرَنِي فِي مَلَأِ ذَكَرْتُهُ فِي مَلَأٍ خَيْرٍ مِنْهُمْ وَإِنْ تَقَرَّبَ إِلَيَّ بِشِبْرٍ تَقَرَّبْتُ إِلَيْهِ ذِرَاعًا وَإِنْ تَقَرَّبَ إِلَيَّ ذِرَاعًا تَقَرَّبْتُ إِلَيْهِ

হযরত আবু হোরায়ারা (রা.) থেকে বর্ণিত, তিনি বলেন, রাসূল ﷺ এরশাদ করেন, আল্লাহ তায়ালা বলেন- আমি সেরূপই, যে রূপ বান্দা আমার প্রতি ধারণা রাখে। আমি তার সাথে থাকি যখন সে আমাকে স্মরণ করে। যদি সে আমাকে মনে মনে একা স্মরণ করে, আমিও তাকে নিজে স্মরণ করি। আর যদি সে লোক সমাবেশে আমাকে স্মরণ করে আমিও তাকে তাদের চেয়ে উত্তম সমাবেশে স্মরণ করি। যদি সে আমার দিকে এক বিঘত অগ্রসর হয়; আমি তার দিকে এক হাত অগ্রসর হই। যদি সে আমার দিকে এক হাত অগ্রসর হয়; আমি তখন তার দিকে এক গজ অগ্রসর হই। আর সে যদি আমার দিকে হেঁটে অগ্রসর হয়; আমি তার দিকে দৌড়ে অগ্রসর হই।^{৫২০}

عَنْ أَبِي هُرَيْرَةَ عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ إِنَّ اللَّهَ لَمَّا فَضَى الْخَلْقَ كَتَبَ عِنْدَهُ فَوْقَ عَرْشِهِ إِنَّ رَحْمَتِي سَبَقَتْ غَضَبِي

হযরত আবু হোরায়ারা (রা.) নবী করিম ﷺ থেকে বর্ণনা করেন, তিনি বলেন, আল্লাহ যখন সকল মাখলুক সৃষ্টির কাজ সম্পন্ন করলেন, তখন তাঁর আরশের উপর তারই নিকটে লিপিবদ্ধ করে রাখলেন। অবশ্যই আমার রহমত আমার গযব থেকে অগ্রগামী।^{৫২১}

عَنْ جَرِيرِ بْنِ عَبْدِ اللَّهِ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ لَا يَرْحَمُ اللَّهُ مَنْ لَا يَرْحَمُ النَّاسَ

^{৫১৯} প্রাগুক্ত, পৃ. ১১২৫, হাদিস নং ৭০২৮

^{৫২০} প্রাগুক্ত পৃ. ১১০১, হাদিস নং ৬৯০১

^{৫২১} ইমাম মুহাম্মদ ইবনে ইসমাঈল বুখারী (রা.) (২৫৬ হি.), সহীহ বুখারী শরীফ, খণ্ড ২য়, পৃ. ১১০৪ হাদিস নং ৬৯১৬

হযরত জরীর ইবনে আব্দুল্লাহ (রা.) থেকে বর্ণিত, তিনি বলেন, রাসূল ﷺ এরশাদ করেন, আল্লাহ তায়ালা ঐ ব্যক্তির উপর দয়া করেন না যে মানুষের প্রতি দয়া করেনা।^{৫২২}

আল্লাহ তায়ালা বলেন, لَا تَقْنَطُوا مِنْ رَحْمَةِ اللَّهِ إِنَّ اللَّهَ يَغْفِرُ الذُّنُوبَ جَمِيعًا إِنَّهُ هُوَ الْغَفُورُ তোমরা আল্লাহর রহমত থেকে নৈরাশ হইওনা। নিশ্চয়ই আল্লাহ সমস্ত গুনাহ ক্ষমা করে দেবেন। তিনি অত্যন্ত ক্ষমাশীল দয়ালু।^{৫২৩}

হযরত আবু হোরাযরা (রা.) থেকে বর্ণিত, তিনি বলেন- আমি রাসূল ﷺ কে বলতে শুনেছি আল্লাহ তায়ালা রহমতকে একশ ভাগে বিভক্ত করে নিজের কাছে নিরানুস্বই ভাগ রেখে দিয়েছেন এবং একভাগ দুনিয়াতে নাযিল করেছেন। এরই বদৌলতে সৃষ্টিজীবরা পরস্পর দয়া প্রদর্শন করে। এমনকি ঘোড়াও তার বাচ্চার গায়ে আঘাত লাগার ভয়ে পা সরিয়ে নেয়।^{৫২৪}

একমাত্র মু'মিন সৎকর্মশীল ব্যক্তিরাই আল্লাহর রহমত প্রাপ্ত হবেন। আল্লাহ তায়ালা বলেন- رَحِمْتَ اللَّهُ قَرِيبٌ مِنَ الْمُحْسِنِينَ নিশ্চয় আল্লাহর রহমত সৎকর্মশীলদের নিকটবর্তী।^{৫২৫}

আল্লাহ তায়ালা বলেন, رَحْمَتِي وَسِعَتْ كُلَّ شَيْءٍ আমার রহমত প্রতিটি বস্তুকে সংকুলান করেছে। অর্থাৎ প্রতিটি বস্তুর জন্য আমার রহমতের একটি অংশ বরাদ্দ রয়েছে।

ইবনে আব্বাস (রা.) বলেন, যখন এই আয়াত নাযিল হলো তখন অভিশপ্ত শয়তান উঁচু গলায় বলল, আমিও তো একটি বস্তু। সুতরাং আমিও রহমতের একটি অংশ পাবো। তেমনি ইহুদী-নাসারাগণও আশাবাদ ব্যক্ত করে অতঃপর আয়াতের এ অংশ নাযিল হলো- فَسَأَكْتُِبُهَا لِلَّذِينَ يَتَّقُونَ وَيُؤْتُونَ الزَّكَاةَ وَالَّذِينَ هُمْ بِآيَاتِنَا يُؤْمِنُونَ আমি নিশ্চয়ই তা বরাদ্দ করবো তাদের জন্য, যারা (শিরক) পরিহার করে তাকওয়া অর্জন করে, যাকাত প্রদান করে এবং আমার আয়াতসমূহের প্রতি বিশ্বাস রাখে।

শয়তান তখন আল্লাহর রহমত থেকে নিরাশ হয়ে গেল। কিন্তু ইহুদী-নাসারারা বলল, আমরা শিরক পরিহার করি, যাকাত প্রদান করি এবং তাঁর আয়াত সমূহে বিশ্বাস করি। সুতরাং আমরা তাঁর রহমতপ্রাপ্ত হবো। তখন আয়াতের পরবর্তী অংশ নাযিল

^{৫২২}. প্রাপ্ত পৃ. ১০৯৭, হাদিস নং ৬৮৭২

^{৫২৩}. সূরা যুমার, আয়াত, ৫৩

^{৫২৪}. ফকীহ আবুল লাইস সমরকন্দী (র.) (৩৭৩ হি.), তাহযীল গাফেলীন, আরবী, বৈরুত, পৃ. ৪৯

^{৫২৫}. সূরা আ'রাফ, আয়াত; ৫৬

হলো। اَلَّذِيْنَ يَتَّبِعُوْنَ الرَّسُوْلَ النَّبِيَّ الْاُمِّيَّ ۝ আমার রহমতপ্রাপ্ত হবে যারা উম্মী নবী মুহাম্মদ ﷺ-র অনুসরণ করবে। তখন ইহুদী-নাসারাগণও আল্লাহর রহমত থেকে নিরাশ হয়ে যায় এবং কেবল মু'মিনরাই রহমতের উপযুক্ত থেকে যায়।^{৫২৬}

কিয়ামত দিবসে কোন আমলের বিনিময়ে বান্দা মুক্তি লাভ করতে পারবে না। বরং কেবল আল্লাহর রহমত ও অনুগ্রহে মুক্তি লাভ করবে। হযরত মুহাম্মদ ইবনে মুনকাদির (রা.) হযরত জাবির (রা.) থেকে বর্ণনা করেন, তিনি বলেন, একদিন নবী করিম ﷺ আমাদের নিকট বেরিয়ে এসে বললেন, এই মাত্র আমার নিকট থেকে আমার বন্ধু জিব্রাইল (আ.) বেরিয়ে গেলেন। তিনি আমাকে বলেছেন- হে মুহাম্মদ! যিনি আপনাকে সত্য নবী-করে পাঠিয়েছেন, তাঁর শপথ! আল্লাহর জনৈক বান্দা পাঁচশ বছর যাবৎ আল্লাহর ইবাদত করেছেন। তিনি একটি পাহাড়ের চূড়ায় থাকতেন। পাহাড়টি দৈর্ঘ্য ও প্রস্থ ছিল ত্রিশ হাত। পাহাড়টির চতুর্দিকে রয়েছে একটি সাগর। সাগরের প্রতিটি দিক চার হাজার ক্রোশ। আল্লাহ তায়ালা তার জন্য আংগুল পরিমাণ চওড়া একটি মিষ্টি পানির ঝর্ণা প্রবাহিত করেছেন। ঝর্ণাটি পাহাড়ের নীচ থেকে উৎসারিত। সেখানে আরো রয়েছে একটি ডালিম গাছ। প্রতিদিন সে গাছে একটি করে ডালিম হত। প্রতিদিন বিকেলে লোকটি নেমে উষ্ম করতেন এবং ডালিমটি নিয়ে আহার করতেন। অতঃপর নামাযে রত হতেন। তিনি আল্লাহর নিকট দোয়া করেছিলেন তাকে যেন তিনি সিজদারত অবস্থায় মৃত্যুদান করেন এবং মাটি বা অন্য কিছু তার শরীরের উপর কোন ক্রিয়াশক্তি দান না করেন। এভাবে কিয়ামত দিবসেও যেন তাকে সিজদা অবস্থায় পূর্ণজীবিত করেন। আল্লাহ তায়ালা তার জন্য তেমনটিই করলেন। হযরত জিব্রাইল (আ.) বলেন- আমার উঠা-নামার সময় তার নিকট দিয়ে আসা-যাওয়া করি এবং তাকে সিজদারত অবস্থায় দেখতে পাই। অতঃপর হযরত জিব্রাইল (আ.) বলেন, আমরা জানতে পেরেছি যে, কিয়ামত দিবসে আল্লাহ তাকে পুনরায় জীবিত করে আল্লাহর সামনে উপস্থিত করবেন। আল্লাহ তায়ালা বলবেন- আমার বান্দাকে আমার রহমতে জান্নাতে প্রবেশ করাও। আবেদ বলবেন- না, বরং আমার আমলের বিনিময়ে। তখন আল্লাহ তায়ালা ফেরেশ্তাদেরকে বলবেন-আমার বান্দার প্রতি আমার নিয়ামতের ও তার আমলের হিসাব করো। দেখা যাবে যে, শুধুমাত্র দৃষ্টিশক্তির বিনিময় হবে পাঁচশ বছর ইবাদত। পুরো শরীরের বিনিময় এখনো অবশিষ্ট রয়ে গেছে। আল্লাহ তায়ালা বলবেন, আমার বান্দাকে জাহান্নামে প্রবেশ করাও। তখন তাকে জাহান্নামের দিকে টানা হবে। তিনি তখন বলবেন, হে আল্লাহ! আপনার রহমতে আমাকে জান্নাত প্রদান করুন। তখন আল্লাহ বলবেন তাকে ফিরিয়ে আন। তখন তাকে আল্লাহর সামনে উপস্থিত করা হবে। আল্লাহ বলবেন- হে আমার বান্দা! তুমি যখন কিছুই ছিলোনা তখন তোমাকে সৃষ্টি করেছিল কে? তিনি বলবেন- হে আল্লাহ! আপনি। আল্লাহ বলবেন- তা কি তোমার আমলের বিনিময়ে ছিল না আমার রহমতে? আবেদ বলবেন- আপনার রহমতে। আল্লাহ বলবেন- তোমাকে পাঁচশ বছর যাবৎ আমার ইবাদত করতে সামর্থ্য দান

করলো কে? তিনি বলবেন- হে আল্লাহ! আপনি। আল্লাহ বলবেন- সাগরের মাঝখানে পাহাড়ে তোমাকে থাকার ব্যবস্থা করে দিল কে? লবণাক্ত স্থান থেকে মিষ্টি পানি নির্গত করলো কে? প্রতি রাতে তোমার জন্য একটি ডালিম উৎপাদন করলো কে? তুমি প্রতি বছর একবার বের হয়ে আমার নিকট প্রার্থনা করতে যে, আমি যেন তোমাকে সিজদারত অবস্থা মৃত্যুদান করি। আমি তোমার সাথে সেই আচরণই করেছি। এগুলো করেছে কে? তিনি বলবেন- হে আল্লাহ! আপনি। আল্লাহ বলবেন, এগুলোর প্রতিটি আমার রহমতে হয়েছে আর আমার রহমতেই আমি তোমাকে জান্নাতে প্রবেশ করাবো। হযরত জিব্রাইল (আ.) বলেন, সবকিছু আল্লাহর রহমতে হয়ে থাকে।^{৫২৭}

হযরত ইবনে আব্বাস (রা.) থেকে বর্ণিত, নবী করিম ﷺ (হাদিসে কুদসী) তাঁর রব থেকে বর্ণনা করেন, আল্লাহ তায়ালা নেকী ও বদীসমূহ চিহ্নিত করেছেন। এরপর সেগুলোর বর্ণনা দিয়েছেন। সুতরাং যে ব্যক্তি কোন সৎ কাজের ইচ্ছা করল, কিন্তু তা বাস্তবে পরিণত করল না, আল্লাহ তাঁর কাছে এর জন্য পূর্ণ নেকী লিপিবদ্ধ করবেন। আর ভাল কাজের ইচ্ছা করে তা যদি বাস্তবে পরিণত করে তবে আল্লাহ তাঁর কাছে তার জন্য দশগুণ থেকে সাতশগুণ পর্যন্ত এমনকি এর চেয়েও অনেকগুণ বেশী সাওয়াব লিখে দেন। আর কোন ব্যক্তি অসৎ কাজের ইচ্ছা করল, কিন্তু তা বাস্তবে পরিণত করল না। আল্লাহ তাঁর জন্য পূর্ণ নেকী লিপিবদ্ধ করবেন। আর যদি সেই অসৎ কাজ বাস্তবে পরিণত করে তবে তার জন্য আল্লাহ তায়ালা মাত্র একটি পাপ লিখে দেন।^{৫২৮}

হযরত ওমর (রা.) থেকে বর্ণিত, তিনি বলেন, রাসূল ﷺ কিছু সংখ্যক বন্দীসহ আগমন করেন। তাদের মধ্যে জনৈক বন্দী অস্থির হয়ে দৌড়াচ্ছিল আর বন্দীদের মধ্যে কোন শিশু পেলেই সে তাকে কোলে নিয়ে তার পেটের সাথে লাগিয়ে দুধ পান করাত। রাসূল ﷺ বললেন, তোমরা কি মনে কর এ মেয়েটি তার সন্তানকে আগুনে ফেলতে পারে? আমরা বললাম, আল্লাহর শপথ! কখনো ফেলতে পারেনা। তিনি বললেন- **لِلَّهِ أَرْحَمُ بِعِبَادِهِ مِنْ هَذِهِ بَوْلَدِهَا** আল্লাহর শপথ! এ মেয়েটি তার সন্তানের প্রতি যেক্রপ সদয়, আল্লাহ তায়ালা তাঁর বান্দার প্রতি এর চেয়েও অনেক বেশী সদয়।^{৫২৯}

হযরত আবু হোরায়া (রা.) থেকে বর্ণিত, তিনি বলেন, আমি রাসূল ﷺ কে বলতে শুনেছি- আল্লাহ তায়ালা দয়াকে একশত ভাগে বিভক্ত করেছেন, অতঃপর নিরান্নবদই ভাগই তাঁর কাছে রেখে দিয়েছেন আর মাত্র এক ভাগ পৃথিবীতে পাঠিয়েছেন। এই একভাগের কারণেই সমস্ত সৃষ্টি পরস্পরের প্রতি দয়া-অনুগ্রহ করে থাকে এমনকি চতুষ্পদ জন্তু তার বাচ্চার উপর থেকে এই ভয়ে পা সরিয়ে নেয় যেন বাচ্চা কষ্ট না পায়। অন্য রেওয়ায়েতে আছে আল্লাহ তায়ালা নিকট একশতটি রহমত আছে। তন্মধ্যে মাত্র একটি রহমত জিন, মানুষ, জীবজন্তু ও কীটপতঙ্গের মাঝে বিতরণ করেছেন। এর কারণেই তারা

^{৫২৭}. ফকীহ আবুল লাইস সমরকন্দী (র.) (৩৭৩ হি.), তাব্বীহুল গাফেলীল, আরবী, বৈরুত, পৃ. ৫২

^{৫২৮}. ইমাম বুখারী (র.), (২৫৬ হি.), বুখারী শরীফ, খণ্ড ২, পৃ. ৯৬০-৯৬১, হাদিস নং- ৬০৪৭

^{৫২৯}. বুখারী ও মুসলিম, সূত্র: রিয়াদুস সালাহীন, পৃ. ২০৩-২০৪, হাদিস নং- ৪১৮, বৈরুত

পরস্পরের প্রতি দয়া, অনুগ্রহ ও প্রেম-প্রীতি প্রদর্শন করে এবং বন্য জন্তু তার বাচ্চাকে স্নেহ করে। আল্লাহ তায়ালা অবশিষ্ট নিরান্নব্বইটি রহমত নিজের কাছে রেখে দিয়েছেন। এগুলো দ্বারা তিনি কিয়ামতের দিন তাঁর বান্দাদের প্রতি অনুগ্রহ করবেন।^{৫৩০}

অতএব যত বড় মুক্তাকীই হোক না কেন নিজের আমলের উপর ভরসা না করে আল্লাহর রহমতের উপর ভরসা করা উচিত।

আখলাক

আখলাক আরবী “খুলুকুন” এর বহুবচন। এর আভিধানিক অর্থ হল চরিত্র, স্বভাব, সদাচার, সৌজন্যমূলক আচরণ ইত্যাদি। মানুষের আচার ব্যবহারে, চাল-চলনে যে স্বভাব আচরণ প্রকাশ পায়, সে সবার সমষ্টি হল আখলাক। ইসলামে মানব চরিত্রের যেসব মহৎ গুণাবলির কথা উল্লেখ আছে তাকে আখলাকে হাসানা বা উত্তম চরিত্র বলা হয়। মানব জীবনে ইহ ও পরকালীন শান্তি, মুক্তি, নিরাপত্তা ইত্যাদি আখলাকে হাসানার উপর অনেকটা নির্ভর। নবী করিম ﷺ এর জীবনদর্শই হল আখলাকে হাসানার উজ্জ্বল দৃষ্টান্ত। আল্লাহ তায়ালা বলেন—وَإِنَّكَ لَعَلَىٰ خُلُقٍ عَظِيمٍ আপনি অবশ্যই মহান চরিত্রে অধিষ্ঠিত।^{৫৩১}

এ প্রসঙ্গে রাসূল ﷺ এরশাদ করেন—أَمِيتُ لَأْتِمَمَ مَكَارِمِ الْأَخْلَاقِ আমি উত্তম চরিত্রের পূর্ণতা সাধনের জন্যই প্রেরিত হয়েছি।^{৫৩২}

রাসূল ﷺ আরো বলেন—أَكْمَلُ الْمُؤْمِنِينَ إِيمَانًا , أَحْسَنُهُمْ خُلُقًا মু’মিনদের মাঝে উত্তম ও পূর্ণাঙ্গ ঈমানের অধিকারী তারাই যারা সুন্দর চরিত্রের অধিকারী।^{৫৩৩}

তিনি আরো এরশাদ করেন — إِنَّ مِنْ خِيَارِكُمْ أَحْسَنَكُمْ أَخْلَاقًا তোমাদের মধ্যে সে ব্যক্তিই উত্তম যার চরিত্র সর্বোৎকৃষ্ট।^{৫৩৪}

হযরত আনাস (রা.) থেকে বর্ণিত, তিনি বলেন, كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ, النَّاسُ خُلُقًا রাসূল ﷺ ছিলেন মানবজাতির মধ্যে সর্বোত্তম চরিত্রের অধিকারী।^{৫৩৫}

কিয়ামতের দিন উত্তম চরিত্র মু’মিনের মীযানে অধিক ভারী হবে। হযরত আবু দারদা (রা.) থেকে বর্ণিত, নবী করিম ﷺ এরশাদ করেন—مَا شَيْءٌ أَثْقَلُ فِي مِيزَانِ الْمُؤْمِنِ يَوْمَ هযরত আবু দারদা (রা.) থেকে বর্ণিত, নবী করিম ﷺ এরশাদ করেন—

^{৫৩০} বুখারী ও মুসলিম, সূত্র: রিয়াদুস সালাহীন, পৃ. ২০৪, হাদিস নং- ৪২০

^{৫৩১} সূরা কালাম, আয়াত: ৪

^{৫৩২} মুসনাদে আহমদ, সূত্র: মিশকাত শরীফ, পৃ-৪৩২, হাদিস নং- ৪৭৪৮

^{৫৩৩} আবু দাউদ ও দারেমী, সূত্র: মিশকাত শরীফ, পৃ-৪৩২-৪৩৩, হাদিস নং- ৪৭৫২

^{৫৩৪} আবু দাউদ। সূত্র: মিশকাত শরীফ, পৃ- ৪৩১, হাদিস নং- ৪৭৩২

^{৫৩৫} বুখারী ও মুসলিম, সূত্র: রিয়াদুস সালাহীন, বৈরুত, পৃ-২৮৪, হাদিস নং-৬২১

قِيَامَةِ الْفَيَّامَةِ مِنْ حُسْنِ خُلُقٍ কিয়ামতের দিন মু'মিনের পাল্লায় সচ্চরিত্রের চেয়ে অধিক ভারী আর কোন আমলই হবে না।^{৫৩৬}

রাসূল ﷺ হযরত আবু যর (রা.)কে বললেন, হে আবু যর! আমি কি তোমাকে এমন দু'টি স্বভাবের কথা বলে দিবনা যা বহন করা খুবই সহজ এবং মাপের পাল্লায় অতীব ভারী? আমি বললাম, হ্যাঁ, বলুন, তিনি বললেন- طُولُ الصَّمْتِ، وَحُسْنُ الْخُلُقِ، দীর্ঘ নিরবতা ও সচ্চরিত্রতা। সেই সত্তার শপথ! যার হাতে আমার প্রাণ, সৃষ্টিতে এ দু'টির ন্যায় উত্তম কোন আমল নেই।^{৫৩৭}

হযরত আবু হোরাযরা (রা.) থেকে বর্ণিত, তিনি বলেন, রাসূল ﷺ কে জিজ্ঞাসা করা হল কোন জিনিস দ্বারা মানুষ অধিকহারে জান্নাতে যাবে? তিনি বললেন، تَقْوَى اللَّهِ، খোদাভীতি ও সচ্চরিত্র।^{৫৩৮}

হযরত আয়েশা (রা.) থেকে বর্ণিত, তিনি বলেন, আমি রাসূল ﷺ কে বলতে শুনেছি- إِنْ الْمُؤْمِنَ لَيُذْرِكُ بِحُسْنِ خُلُقِهِ دَرَجَةَ الصَّائِمِ الْقَائِمِ- মু'মিন ব্যক্তি অবশ্যই তার উত্তম চরিত্র দ্বারা দিনে রোযা পালনকারী এবং রাতে ইবাদত কারীর মর্যাদা অর্জন করে।^{৫৩৯}

হযরত আবু উমামা বাহেলী (রা.) থেকে বর্ণিত, তিনি বলেন, রাসূল ﷺ এরশাদ করেন, আমি এমন লোকের জন্য জান্নাতের একপ্রান্তে একটি ঘরের যামিন হব, যে হকের উপর প্রতিষ্ঠিত থেকেও লোক প্রদর্শনী পরিত্যাগ করে, যদিও সে এর অধিকারী। আমি এমন লোকের জন্য জান্নাতের মধ্যস্থলে অবস্থিত একটি ঘরের যামিন হব, যে ঠাট্টাচ্ছলেও মিথ্যা পরিহার করে। আমি জান্নাতের সর্বোচ্চ স্থানে অবস্থিত একটি ঘরের যামিন হব, এমন লোকের জন্য যে তার চরিত্রকে সৌন্দর্যমণ্ডিত করেছে।^{৫৪০}

হযরত জাবির (রা.) থেকে বর্ণিত, রাসূল ﷺ এরশাদ করেন- إِنْ مِنْ أَحَبِّكُمْ إِلَيَّ كِيَّامَتِ الدِّينِ أَقْرَبَكُمْ مِنِّي مَجْلِسًا يَوْمَ الْقِيَامَةِ أَحْسَنَكُمْ أَخْلَاقًا আমার নিকট সবচেয়ে প্রিয় ও সবচেয়ে নিকটে উপবিষ্ট হবে সেই ব্যক্তি যার চরিত্র সবচেয়ে উত্তম।^{৫৪১}

^{৫৩৬}. তিরমিযী, সূত্র: রিয়াদুস সালাহীন, বৈরুত, পৃ-২৮৫ হাদিস নং-৬২৬

^{৫৩৭}. বায়হাকী, শোআবুল ইমান, সূত্র: মিশকাত, পৃ-৪১৫ হাদিস নং- ৪৫৩৩

^{৫৩৮}. তিরমিযী, সূত্র: রিয়াদুস সালাহীন, বৈরুত, পৃ-২৮৫, হাদিস নং- ৬২৭

^{৫৩৯}. আবু দাউদ, সূত্র: রিয়াদুস সালাহীন, বৈরুত, পৃ-২৮৬, হাদিস নং- ৬২৯

^{৫৪০}. আবু দাউদ, সূত্র: রিয়াদুস সালাহীন, বৈরুত, পৃ-২৮৬, হাদিস নং- ৬৩০

^{৫৪১}. তিরমিযী, সূত্র: প্রাগুক্ত, পৃ-২৮৬, হাদিস নং-৬৩১

হযরত নাওয়াস ইবনে সামআন (রা.) বলেন, আমি রাসূল ﷺ কে পুণ্য ও পাপ সম্পর্কে জিজ্ঞাসা করি। উত্তরে তিনি বললেন— **الْبِرُّ حُسْنُ الْخُلُقِ وَالْإِثْمُ مَا حَاكَ فِي صَدْرِكَ**। পুণ্য হল উত্তম চরিত্র আর পাপ হল যে কাজ তোমার অন্তরে সংশয় সৃষ্টি করে এবং ঐ কাজটা জনসমাজে প্রকাশ হওয়াটা তুমি পছন্দ কর না।^{৫৪২}

সাহাবীগণ জিজ্ঞাসা করলেন, হে আল্লাহর রাসূল! **الْحَسَنُ**! উত্তম চরিত্র কি? উত্তরে তিনি বলেন— উত্তম চরিত্র।^{৫৪৩}

উত্তম চরিত্র মানুষের একটি দুর্লভ মহৎ গুণ। এর দ্বারা মানুষ যাবতীয় পুণ্য কাজে আত্মহী হয় এবং যাবতীয় পাপ ও গর্হিত কাজ থেকে বিরত থাকার প্রেরণা পায়। উত্তম ও সচ্চরিত্রবান লোককে সবাই ভালবাসে। এমনকি আল্লাহ ও তদীয় রাসূল ﷺ এর প্রিয়ভাজন হয়। ফলে সমগ্র সৃষ্টির কাছে প্রিয়ভাজন হয়ে উঠে। তাই কথা আছে যে, যার চরিত্র ভাল তার সবকিছু ভাল আর যার চরিত্র খারাপ তার সবকিছু খারাপ। অতএব প্রত্যেক মানুষ উত্তম চরিত্রের অধিকারী হওয়া আবশ্যিক। আর এই সচ্চরিত্র অর্জন করতে কোন অর্থকড়ির প্রয়োজন হয়না শুধু প্রয়োজন হয় আন্তরিক সদাইচ্ছা। যেসব উত্তম গুণাবলীর দ্বারা মানুষ সচ্চরিত্রবান হয় তা হল— লজ্জা, কোমলতা, তাকওয়া, সত্য, ধৈর্য, কৃতজ্ঞ, ইহসান, ক্ষমা, সেবা, তাওয়াক্কুল, ন্যায়পরায়ণতা, উদারতা, দানশীলতা, আমানতদারী, অঙ্গীকার রক্ষা, সদাচরণ ইত্যাদি।

লজ্জা

লজ্জা মানুষের একটি স্বভাবজাত গুণ। এর দ্বারা মানুষের মধ্যে বহুবিদ নৈতিক গুণাবলির সমাবেশ ঘটে। আল্লামা দকীকুল ঈদ (র.) বলেন— ভর্ৎসনা ও বদনামের ভয়ে মানুষের মধ্যে যে পরিবর্তন ও লাজুকতা সৃষ্টি হয় আভিধানিকভাবে সেটাকে লজ্জা বলে। পরিভাষায় যেসব গুণাবলি মানুষকে অসৎ কাজ থেকে বিরত এবং সৎকাজের প্রতি উৎসাহ যোগায় তাকে লজ্জা বলে।^{৫৪৪}

স্বয়ং আল্লাহ তায়ালা লজ্জাশীল। নবী করিম ﷺ এরশাদ করেন— **إِنَّ رَبَّكُمْ حَيٌّ** তোমাদের প্রতিপালক লজ্জাশীল, পরম দয়ালু। বান্দা যখন তার দরবারে দু'হাত তুলে দোয়া করে, তখন তিনি তা খালি ফিরিয়ে দিতে লজ্জাবোধ করেন।^{৫৪৫}

^{৫৪২} মুসলিম, সূত্র: মিশকাত শরীফ, পৃ-৪৩২ হাদিস নং- ৪৭৩০

^{৫৪৩} বায়হাকী, শোআবুল ইমান, সূত্র: প্রাগুক্ত, হাদিস নং- ৪৭৩৫

^{৫৪৪} আল্লামা মুনাদি (র.) (১০০৩ হি), শরহে শামায়েল, খণ্ড- ২ পৃ- ২১৬, করাচি

^{৫৪৫} তিরমিযী ও আবু দাউদ, সূত্র: মিশকাত শরীফ, পৃ- ১৯৫, হাদিস নং- ২১৩০

লজ্জা ঈমানের অংশ। লজ্জাশীলতা কল্যাণ ও মঙ্গল বয়ে আনে। লজ্জা মানুষকে সকল অনিষ্ট ও পাপকাজ থেকে বিরত রাখে। রাসূল ﷺ এরশাদ করেন, الْحَيَاءُ شُعْبَةٌ مِنَ الْإِيمَانِ লজ্জা ঈমানের একটি বিশেষ শাখা।^{৫৪৬}

নবী করিম ﷺ এরশাদ করেন, الْحَيَاءُ لَا يَأْتِي إِلَّا بِخَيْرٍ লজ্জাশীলতা কেবল মঙ্গল ও কল্যাণই বয়ে আনে।^{৫৪৭}

হযরত যায়েদ ইবনে তালহা (রা.) থেকে বর্ণিত, তিনি বলেন, রাসূল ﷺ এরশাদ করেন, لِكُلِّ دِينٍ خُلُقٌ وَخُلُقُ الْإِسْلَامِ الْحَيَاءُ প্রত্যেক দ্বীন বা ধর্মের একটি বিশেষ স্বভাব আছে। আর দ্বীন ইসলামের বিশেষ স্বভাব হলো লজ্জা।^{৫৪৮}

ফকীহ আবুল লাইস (র.) বলেন, লজ্জা দু'প্রকার। এক. মানুষের সাথে লজ্জা ও দুই. আল্লাহর সাথে লজ্জা। মানুষের সাথে লজ্জা হলো যেখানে দৃষ্টিপাত করা তোমার জন্য হালাল নয়, সেখান থেকে তোমার দৃষ্টিকে সংযত করা। আর আল্লাহর সাথে লজ্জা হলো তোমার প্রতি আল্লাহর অনুগ্রহের কথা উপলব্ধি করে তাঁর নাক্ষরমাত্রী করতে লজ্জাবোধ করা।^{৫৪৯}

জনৈক ব্যক্তি রাসূল ﷺ কে বললেন, আমাকে কিছু উপদেশ দিন, রাসূল ﷺ বললেন, أَوْصِيكَ بِتَقْوَى اللَّهِ وَأَنْ تَسْتَحْيِيَ مِنَ اللَّهِ كَمَا تَسْتَحْيِي رَجُلًا صَالِحًا مِنْ قَوْمِكَ আমি তোমাকে উপদেশ দিচ্ছি যে, আল্লাহকে ভয় কর এবং আল্লাহকে এভাবে লজ্জা কর যেভাবে তোমার সম্প্রদায়ের সৎলোককে লজ্জা কর।^{৫৫০} অর্থাৎ একজন সৎলোকের সামনে যেমন কোন গর্হিত কাজ করতে লজ্জাবোধ করে তেমনি যে কোন গুনাহের কাজ করতে গেলে আল্লাহর প্রতি লজ্জাবোধ জাগ্রত হলে সে কোন গুনাহ করতে পারবে না।

নবী করিম ﷺ এরশাদ করেন- رُفِعَ أَحَدُهُمَا رُفْعَ الْآخَرِ إِنَّ الْحَيَاءَ وَالْإِيمَانَ قُرْنًا جَمِيعًا فَإِذَا رُفِعَ أَحَدُهُمَا رُفِعَ الْآخَرُ নিশ্চয় লজ্জা ও ঈমান একত্রে মিলিত। যখন এ দু'টির একটিকে তুলে নেয়া হয় তখন অপরটিও উঠে যায়।^{৫৫১}

নবী করিম ﷺ আশজ্জ ইবনে আব্দুল কায়েস (রা.)কে সম্বোধন করে বললেন- إِنَّ نِشْأَةَ الْإِيمَانِ فِيكَ خَصْلَتَيْنِ يُحِبُّهُمَا اللَّهُ الْحَيَاءُ وَالْإِيمَانُ নিশ্চয় তোমার মধ্যে এমন দু'টি অভ্যাস আছে যে দু'টিকে আল্লাহ তায়ালা পছন্দ করেন। তা হল, লজ্জা ও ধীরস্থিরতা।^{৫৫২}

^{৫৪৬}. বুখারী ও মুসলিম, সূত্র: প্রাগুক্ত, পৃ-১২ হাদিস নং-৪৭২৭

^{৫৪৭}. বুখারী ও মুসলিম, সূত্র: প্রাগুক্ত, পৃ- ৪৩১, হাদিস নং- ৪৭২৮

^{৫৪৮}. ইমাম মালিক, ইবনে মাজাহ ও বায়হাকী, সূত্র: প্রাগুক্ত, পৃ- ৪৩২, হাদিস নং- ৪৭৪৫

^{৫৪৯}. আবুল লাইস সমরকান্দি (র.) (৩৭৩ হি), তান্বীলুল গাফেলীন, পৃ-২৯৮, বৈরুত

^{৫৫০}. ইমাম বায়হাকী (র.) (৪৫৮ হি), শুআবুল ঈমান, খণ্ড-১, পৃ-১৭৬, হাদিস নং- ৭৩৪৩

^{৫৫১}. ইমাম বায়হাকী (র.) (৪৫৮ হি), শুআবুল ঈমান, খণ্ড-১০, পৃ-১৬৬, হাদিস নং- ৭৩৩১

লজ্জা মানুষকে অশ্লীল কাজ থেকে বিরত রাখে। যাদের লজ্জা নেই তারা এমন কোন গর্হিত কাজ নেই যা তারা করতে পারেনা। নবী করিম ﷺ এরশাদ করেন- পূর্বকালের নবীগনের কথা যা বর্তমান যুগের লোকেরা পেয়েছে তা হল- اِذَا لَمْ تَسْتَحْ فَاصْنَعْ مَا شِئْتَ- যখন তোমার লজ্জা থাকবে না তখন তুমি যা ইচ্ছে করতে পারবে।^{৫৫৩}

হযরত ফুয়াইল ইবনে আয়ায (রা.) বলেন- خَمْسٌ مِنْ عِلَامَاتِ الشَّقَاءِ الْقُسُوفَةُ فِي الْقَلْبِ وَجُمُودُ الْعَيْنِ وَقِلَّةُ الْحَيَاءِ وَالرَّغْبَةُ فِي الدُّنْيَا وَطُولُ الْأَمَلِ হতভাগার আলামত হচ্ছে পাঁচটি। ১. কঠিন অন্তর, ২. জমাট চক্ষু অর্থাৎ যে চোখে পানি আসেনা, ৩. লজ্জা কম হওয়া, ৪. দুনিয়ার প্রতি আকৃষ্ট হওয়া ও ৫. দীর্ঘ আশা করা।^{৫৫৪}

ঈমানের পূর্ণতা হলো লজ্জা। লজ্জাহীন ব্যক্তি পরিপূর্ণ মু'মিন হতে পারেনা। ঈমানকে যদি দেহ ধরা হয় তবে সেটার ভূষণ হবে লজ্জাশীলতা। লজ্জাহীন মু'মিন বস্ত্রহীন দেহের ন্যায়। লজ্জাশীল মানুষ কখনো গর্হিত ও নিন্দনীয় কাজ করতে পারেনা। লজ্জা তাকে বাধা দেবে। পক্ষান্তরে লজ্জাহীন মানুষ করতে পারে না এমন কোন কাজ নেই। তাই নবী করিম ﷺ এরশাদ করেন- اِذَا لَمْ تَسْتَحْ فَاصْنَعْ مَا شِئْتَ যখন তোমার লজ্জা থাকবে না তখন তুমি যা ইচ্ছে তা করবে।^{৫৫৫}

হযরত আবু হোরায়ারা (রা.) থেকে বর্ণিত তিনি বলেন, রাসূল ﷺ এরশাদ করেন- الْحَيَاءُ مِنَ الْإِيمَانِ وَالْإِيمَانُ فِي الْجَنَّةِ وَالْبَدْءُ مِنَ الْجَفَاءِ وَالْجَفَاءُ فِي النَّارِ লজ্জা ঈমানের একটি অংশ। আর ঈমানদার বেহেশতে যাবে। পক্ষান্তরে লজ্জাহীনতা অত্যন্ত মন্দ আর মন্দ লোক দোযখে যাবে।^{৫৫৬}

খোদাভীতি

সর্বদা আল্লাহর ভয় অন্তরে ধারণ করে আল্লাহর নাফরমানী থেকে বিরত থাকা প্রত্যেক মু'মিনের জন্য অপরিহার্য বিষয়। খোদাভীতি আল্লাহর কাছে খুবই প্রিয়। খোদাভীতির ভিত্তিতে অনর্থক কাজ করলেও তা আল্লাহর নিকট পছন্দনীয় হয়ে উঠে। নবী করিম ﷺ এরশাদ করেন- তোমাদের পূর্ববর্তী উম্মতের এক ব্যক্তি ছিল, সে তার আমল সম্পর্কে তুচ্ছ ধারণা পোষণ করত। সে তার পরিবারের লোকদেরকে বলল, যখন আমি মারা যাব, তখন তোমরা আমাকে জ্বালিয়ে ফেলবে। অতঃপর প্রচণ্ড গরমের দিনে

^{৫৫২} প্রাগুক্ত, পৃ- ১৬৭, হাদিস নং- ৭৩৩৩

^{৫৫৩} ইমাম বায়হাকী (র.) (৪৫৮ হি), শুআবুল ঈমান, খণ্ড-১০, পৃ-১৭১, হাদিস নং- ৭৩৩৮

^{৫৫৪} প্রাগুক্ত, পৃ-১৮২, হাদিস নং- ৭৩৫৮

^{৫৫৫} বুখারী, সূত্র: প্রাগুক্ত, পৃ-৪৩১, হাদিস নং- ৪৭২৯

^{৫৫৬} আহমদ ও তিরমিযী, সূত্র: প্রাগুক্ত, হাদিস নং- ৪৭৩৪

আমার ছাই ভস্ম করে গমনদ্রে ছিটিয়ে দিবে। তার পরিবারের লোকেরা সেই অনুযায়ী কাজ করল। অতঃপর আল্লাহ তায়ালা ভস্ম ছাইকে একত্রিত করে তাকে জিঞ্জাসা করলেন, তুমি যা করলে তা কেন করলে? উত্তরে সে বলল, তা একমাত্র আপনার ভয়ে করেছি। অতঃপর আল্লাহ তায়ালা তাকে ক্ষমা করে দিলেন।^{৫৫৭}

নবী করিম ﷺ এরশাদ করেন, আল্লাহ তায়ালা বলেন- আমার প্রতিপত্তি ও সম্মানের শপথ! اِنِّي لَا أَجْمَعُ عَلَى عَبْدِي خَوْفَيْنِ وَلَا أَمْنَيْنِ مِنْ خَافِي فِي الدُّنْيَا أَمْنَتُهُ فِي الْآخِرَةِ, আমি আমার বান্দার উপর দু'টি ভয় ও দু'টি নির্ভয় একত্রিত করবনা। যে ব্যক্তি দুনিয়াতে আমাকে ভয় করবে কিয়ামতের দিন আমি তাকে নির্ভয় রাখব। আর যে ব্যক্তি দুনিয়াতে আমা থেকে নির্ভয় থাকবে, কিয়ামতের দিন আমি তাকে ভীত রাখবো।^{৫৫৮}

রাসূল ﷺ থেকে বর্ণিত, তিনি বলেন- إِذَا أَفْشَرَ قَلْبُ الْمُؤْمِنِ مِنْ خَشْيَةِ اللَّهِ، تَحَاثَّتْ مُؤْمِنِينَ عَنْهُ خَطَايَاهُ كَمَا يَتَحَاثَّتُ مِنَ الشَّجَرَةِ وَرَقُهَا থাকে তখন গাছের শূকনো পাতা বরার ন্যায় তার গুনাহসমূহ বারে পড়তে থাকে।^{৫৫৯}

নবী করিম ﷺ কে প্রশ্ন করা হয়েছিল- আপনার পরিবারের সদস্য কারা? তিনি বললেন- কিয়ামত পর্যন্ত প্রতিটি মুভাকী মু'মিন আমার পরিবারের সদস্য। জেনে রেখ, আমার বন্ধু হলো মুভাকী, আর খোদাভীতি ব্যতীত তোমাদের কারো উপর শ্রেষ্ঠত্ব নেই।^{৫৬০}

ধৈর্য ও সহমর্মিতা

‘সবর’ আরবী শব্দ। এর আভিধানিক অর্থ- ধৈর্য, দৃঢ়তা, বিরত থাকা ইত্যাদি। বিপদে-আপদে, দুঃখ-কষ্টে, বালা-মুছিবতে অবিচলচিত্তে আল্লাহর উপর ভরসা করে ধৈর্যধারণ করাকে ‘সবর’ বলে। ধৈর্যের ফল কখনো বিফল হয়না। আল্লাহ তায়ালা ধৈর্যশীলদের সাথে থাকেন এবং তাদেরকে সাহায্য করেন। আল্লাহর বাণী- يٰٓأَيُّهَا الَّذِينَ آمَنُوا اسْتَعِينُوا بِالصَّبْرِ وَالصَّلَاةِ إِنَّ اللَّهَ مَعَ الصَّابِرِينَ হে মু'মিনগণ! তোমরা ধৈর্য ও নামাযের মাধ্যমে (আল্লাহর নিকট) সাহায্য প্রার্থনা কর। নিশ্চয় আল্লাহ ধৈর্যশীলদের সাথে আছেন।^{৫৬১}

৫৫৭. ইমাম বুখারী (র.) (২৫৬ হি), বুখারী শরীফ, খণ্ড-২, পৃ-৯৫৯, হাদিস নং-৬০৩৬

৫৫৮. ফকীহ আবুল লাইস সমরকান্দি (র.) (৩৭৩ হি), তাস্বীহুল গাফেলীন, পৃ-২৪২, বৈরুত।

৫৫৯. প্রাগুক্ত, পৃ-২৪৩

৫৬০. প্রাগুক্ত

৫৬১. সূরা বাকারা, আয়াত- ১৫৩

إِنَّمَا يُوفَّى الصَّابِرُونَ أَجْرَهُمْ بِغَيْرِ حِسَابٍ আল্লাহ তায়ালা এরশাদ করেন, ধৈর্যশীলদেরকে তো অপরিমিত বিনিময় পুরোপুরি ভাবেই দেওয়া হবে।^{৫৬২}

আল্লাহ বলেন, وَاللَّهُ يُحِبُّ الصَّابِرِينَ আর আল্লাহ ধৈর্যশীলদের ভালবাসেন।^{৫৬৩}

আল্লাহ আরো বলেন, وَلَتَبْلُوَكُمْ بَشِيَّةٌ مِنَ الْخَوْفِ وَالْجُوعِ وَنَقْصٍ مِنَ الْأَمْوَالِ وَالْأَنْفُسِ আমি অবশ্যই তোমাদেরকে ভয়, ক্ষুধা এবং জান-মাল ও শস্যের ক্ষতি সাধন করে পরীক্ষা করব। (এ পরীক্ষায়) ধৈর্যশীলদের সুসংবাদ দিন।^{৫৬৪}

আল্লাহ তায়ালা এরশাদ করেন- وَلَنَجْزِيَنَّ الَّذِينَ صَبَرُوا أَجْرَهُمْ بِأَحْسَنِ مَا كَانُوا يَعْمَلُونَ যারা ধৈর্যধারণ করে আমি নিশ্চয়ই তাদেরকে তারা যা করে তা অপেক্ষা শ্রেষ্ঠ পুরস্কার দান করব।^{৫৬৫}

উপরোক্ত কুরআনের আয়াতসমূহ দ্বারা প্রতীয়মান হয় যে, পরীক্ষায় উত্তীর্ণ হওয়ার জন্য ধৈর্যের প্রয়োজন। শুধু তাই নয় ইসলামের সকল ইবাদত পালনে ধৈর্যের প্রয়োজন। ধৈর্যশীল লোক সবকাজে সফলতা অর্জন করতে সক্ষম হয়। পক্ষান্তরে ধৈর্যহীন লোক সবকাজে ব্যর্থ হয়।

হযরত আবু সাঈদ খুদরী (রা.) থেকে বর্ণিত, নবী করিম ﷺ এরশাদ করেন, مَنْ يَتَصَبَّرْ يُصْبِرْهُ اللَّهُ وَمَا أُعْطِيَ أَحَدٌ عَطَاءً خَيْرًا وَأَوْسَعَ مِنَ الصَّبْرِ যে ব্যক্তি ধৈর্যধারণ করতে চায়, আল্লাহ তাকে ধৈর্যধারণ করার তাওফীক দান করেন। ধৈর্যের চেয়ে উত্তম ও প্রশস্ত আর কোন কিছু কাউকে দেওয়া হয়নি।^{৫৬৬}

হাদিসে বর্ণিত আছে- الصَّبْرُ ثَوَابُهُ الْجَنَّةُ ধৈর্যের প্রতিদান হলো জান্নাত।^{৫৬৭}

শোকর বা কৃতজ্ঞতা

শোকর আরবী শব্দ। এর আভিধানিক অর্থ হলো কৃতজ্ঞতা ও ধন্যবাদ। পরিভাষায় অনুগ্রহ লাভের কারণে হৃদয়, মুখ বা অঙ্গ-প্রত্যঙ্গের দ্বারা কৃতজ্ঞতা প্রকাশ করাকে শোকর বলা হয়।

মানুষ পার্থিব জীবনে আল্লাহর নিয়ামত দ্বারা পরিবেষ্টিত। প্রতি মুহূর্তে মানুষ আল্লাহর নিয়ামত নানাভাবে ভোগ করছে। মানব দেহের প্রতিটি অঙ্গ-প্রত্যঙ্গ আল্লাহর

^{৫৬২} সূরা যুমার, আয়াত- ১০

^{৫৬৩} সূরা আলে ইমরান, আয়াত- ১৪৬

^{৫৬৪} সূরা বাকারা, আয়াত- ১৫৫

^{৫৬৫} সূরা নাহল, আয়াত- ৯৬

^{৫৬৬} বুখারী ও মুসলিম, সূত্র: রিয়াদুস সালেহীন, পৃ-৩০ হাদিস নং- ২৬

^{৫৬৭} ইমাম বায়হাকী (র.) (৪৫৮ হি), সূত্র: মিশকাত শরীফ, পৃ-১৭৩

নিয়ামত। এসব নিয়ামতের শোকর আদায় করা মানুষের জন্য অপরিহার্য কর্তব্য। এ প্রসঙ্গে আল্লাহ তায়ালা বলেন, **وَإِنْ تَعُدُّوا نِعْمَتَ اللَّهِ لَا تَحْصُوهَا إِنَّ الْإِنْسَانَ لَظَلُومٌ كَفَّارٌ** তোমরা আল্লাহর নিয়ামত গণনা করলে এর সংখ্যা গুণে শেষ করতে পারবেনা। আর মানুষ অবশ্যই অত্যাচারী, অকৃতজ্ঞ।^{৫৬৮}

পবিত্র কুরআনে আল্লাহ তায়ালা মানব জাতিকে কৃতজ্ঞতা প্রকাশের নির্দেশ দিয়ে বলেন- **وَاشْكُرُوا لِي وَلَا تَكْفُرُونِ** তোমরা আমার নিয়ামতের শোকর আদায় কর এবং আমার অকৃতজ্ঞ হইও না।^{৫৬৯}

বান্দা আল্লাহর ইবাদত করার মাধ্যমেই আল্লাহর শোকর আদায় হয়ে যায়। এদিকে ইঙ্গিত করে আল্লাহ বলেন- **بَلِ اللَّهِ فَاعْبُدْ وَكُنْ مِنَ الشَّاكِرِينَ** বরং তুমি আল্লাহর ইবাদত কর এবং কৃতজ্ঞদের অন্তর্ভুক্ত হও।^{৫৭০}

বান্দা আল্লাহর শোকর করলে আল্লাহ নিয়ামত আরো বাড়িয়ে দেন। পক্ষান্তরে অকৃতজ্ঞ হলে আযাব ও শাস্তি দেন এবং প্রদত্ত নিয়ামত ছিনিয়ে নেন। আল্লাহ তায়ালা এরশাদ করেন, **لَنْ يَزِيدَنَّاكُمْ وَلَنْ يَكْفُرْتُمْ إِنَّ عَذَابِي لَشَدِيدٌ** যদি তোমরা আমার নিয়ামতের শোকর আদায় কর তবে আমি তোমাদের জন্য তা বাড়িয়ে দেব পক্ষান্তরে যদি তোমরা আমার নিয়ামতকে অস্বীকার কর তবে জেনে রাখ, নিশ্চয়ই আমার আযাব খুবই কঠোর।^{৫৭১}

আল্লাহ তায়ালা বলেন, **سَيَجْزِي اللَّهُ الشَّاكِرِينَ** আল্লাহ অচিরেই শোকর আদায়কারী দের প্রতিদান দেবেন।^{৫৭২}

পবিত্র কুরআনে বলা হয়েছে- **وَاشْكُرُوا نِعْمَتَ اللَّهِ إِنَّ كُنْتُمْ إِيَّاهُ تَعْبُدُونَ** আর তোমরা আল্লাহর নিয়ামতের শোকর আদায় কর, যদি তোমরা তাঁরই ইবাদত কর।^{৫৭৩}

হযরত সুহাইব ইবনে সিনান থেকে বর্ণিত, তিনি বলেন, রাসূল ﷺ এরশাদ করেন, মু'মিনের সবকিছু আশ্চর্যজনক। তার সমস্ত কাজই কল্যাণকর। মু'মিন ছাড়া অন্যদের ব্যাপারে এরূপ নয়। তার জন্য আনন্দদায়ক কিছু হলে সে আল্লাহর শোকর করে, তাতে

^{৫৬৮} সূরা ইব্রাহিম, আয়াত- ৩৪

^{৫৬৯} সূরা বাকারা, আয়াত- ১৫২

^{৫৭০} সূরা যুমার, আয়াত- ৬৬

^{৫৭১} সূরা ইব্রাহিম, আয়াত- ৭

^{৫৭২} সূরা আলে ইমরান, আয়াত- ১৪৪

^{৫৭৩} সূরা নাহল, আয়াত- ১১৪

তার মঙ্গল হয়। আর তার কোন ক্ষতিকর কিছু হলে সে ধৈর্যধারণ করে, সেটিও তার জন্য কল্যাণকর।^{৫৭৪}

হযরত আবু হোরায়ারা (রা.) থেকে বর্ণিত, রাসূল ﷺ এরশাদ করেন, আল্লাহ বলেন, আমার মু'মিন বান্দার জন্য আমার নিকট জান্নাত ছাড়া আর কোন পুরস্কার নেই। যখন আমি দুনিয়া থেকে তার প্রিয়জনকে নিয়ে যাই তখন সে সাওয়াবের আশায় ধৈর্যধারণ করে।^{৫৭৫}

হযরত আনাস (রা.) থেকে বর্ণিত, তিনি বলেন, আমি রাসূল ﷺ কে বলতে শুনেছি, আল্লাহ তায়ালা বলেছেন, যখন আমি আমার বান্দাকে তার দু'টি প্রিয় বস্তুর মাধ্যমে পরীক্ষা করি (অর্থাৎ তার দু'টি চোখের দৃষ্টিশক্তি নষ্ট করে দেই) আর সে তাতে ধৈর্যধারণ করে, তখন আমি তাকে তার বিনিময়ে জান্নাত দান করি।^{৫৭৬}

কৃতজ্ঞ ব্যক্তিদের মর্যাদা বর্ণনায় নবী করিম ﷺ এরশাদ করেন— **الطَّاعِمُ الشَّاكِرُ** কৃতজ্ঞ আহার গ্রহণকারী ধৈর্যশীল রোযাদারের ন্যায়। অর্থাৎ কৃতজ্ঞ ব্যক্তি পানাহার করেও পানাহার পরিত্যাগকারী রোযাদারের মর্যাদা ও সাওয়াবের অধিকারী হবে।

কোমলতা বা নম্রতা

আল্লামা তিব্বী (র.) বলেন— কোন কাজকে সুন্দর ও সুষ্ঠুভাবে সম্পন্ন করার জন্য সহকর্মী, বন্ধু-বান্ধবের সাথে নরম, কোমল ও ভদ্রতা সুলভ আচরণ করার নামই হল কোমলতা। এটাও আল্লাহর গুণ বিশেষ। হযরত আয়েশা (রা.) থেকে বর্ণিত, রাসূল ﷺ এরশাদ করেন— **إِنَّ اللَّهَ رَفِيقٌ يُحِبُّ الرَّفْقَ وَيُعْطِي عَلَى الرَّفْقِ مَا لَا يُعْطِي عَلَى الْعُنْفِ وَمَا لَا** আল্লাহ স্বয়ং কোমল, তিনি কোমলতাকে ভালবাসেন। তিনি কঠোরতার উপর যা দান করেন না তা কোমলতার জন্য দান করেন। কোমলতা ছাড়া অন্যকিছুতেই তা দান করেননা।^{৫৭৭}

নবী করিম ﷺ হযরত আয়েশা (রা.)কে বললেন— কোমলতাকে নিজের জন্য বাধ্যতামূলক কর এবং কঠোরতা ও নির্লজ্জতা পরিহার কর। কেননা **إِنَّ الرَّفْقَ لَا يَكُونُ فِي شَيْءٍ إِلَّا زَانَهُ وَلَا يُنْزَعُ مِنْ شَيْءٍ إِلَّا شَانَهُ** যে জিনিসের মধ্যে কোমলতা আছে সেটাই

^{৫৭৪} মুসলিম, সূত্র: রিয়াদুস সালেহীন, পৃ- ৩০, হাদিস নং-২৭, বৈরুত

^{৫৭৫} বুখারী, সূত্র: প্রাগুক্ত, পৃ- ৩৫, হাদিস নং- ৩২

^{৫৭৬} বুখারী, সূত্র: প্রাগুক্ত, পৃ- ৩৫-৩৬, হাদিস নং- ৩৪

^{৫৭৭} মুসলিম, সূত্র: মিশকাত, পৃ- ৪৩০-৪৩১, হাদিস নং-৪৭২৫

শ্রীবৃদ্ধির কারণ হয়। আর সে জিনিস থেকে তা প্রত্যাহার করা হয়, তা ক্রটিপূর্ণ হয়ে যায়।^{৫৭৮}

হযরত জাবির (রা.) থেকে বর্ণিত, নবী করিম ﷺ এরশাদ করেন- **مَنْ يُحْرَمِ الرَّفْقَ** যাকে কোমলতা থেকে বঞ্চিত করা হয় তাকে যাবতীয় কল্যাণ থেকে বঞ্চিত করা হয়।^{৫৭৯} অর্থাৎ কোমলতা যাবতীয় কল্যাণের উৎস। সুতরাং যার কাছে কোমলতা নেই তার কাছ থেকে কল্যাণকর কিছু আশা করা যায় না।

হযরত আয়েশা (রা.) থেকে বর্ণিত, তিনি বলেন, নবী করিম ﷺ এরশাদ করেন- **مَنْ أُعْطِيَ حَظَّهُ مِنَ الرَّفْقِ أُعْطِيَ حَظَّهُ مِنَ الْخَيْرِ الدُّنْيَا وَالْآخِرَةِ وَمَنْ حُرِّمَ حَظُّهُ مِنَ الرَّفْقِ حُرِّمَ** যাকে কোমলতার অংশ প্রদান করা হয়েছে তাকে ইহ ও পরকালের কল্যাণ প্রদান করা হয়েছে। আর যাকে কোমলতা থেকে বঞ্চিত করা হয়েছে তাকে ইহ ও পরকালের কল্যাণ থেকে বঞ্চিত করা হয়েছে।^{৫৮০}

হযরত ইবনে মাসউদ (রা.) থেকে বর্ণিত, তিনি বলেন, রাসূল ﷺ এরশাদ করেন- আমি কি তোমাদেরকে সে ব্যক্তির কথা বলে দেবনা যার উপর দোষখের আযাব হারাম হবে? সে ঐ ব্যক্তি যার মেজাজ নরম হবে, স্বভাব কোমল হবে এবং আচরণ ভদ্র হবে।^{৫৮১}

হযরত আয়েশা (রা.) থেকে বর্ণিত, নবী করিম ﷺ এরশাদ করেন- আল্লাহ তায়ালা যখন কোন পরিবারের কল্যাণ সাধন করতে চান, তখন তাদের মধ্যে কোমলতা ও সহনশীলতা প্রবেশ করিয়ে দেন। কোমলতা যদি কোন বস্তু হতো, তাহলে মানুষ এর চেয়ে অধিক সৌন্দর্যময় আর কোন বস্তু দেখতে পেতো না। পক্ষান্তরে কঠোরতা যদি বস্তু হতো তাহলে মানুষ এর চেয়ে অধিক কুৎসিত কোন বস্তু দেখতে পেতো না।^{৫৮২}

সত্য ও সত্যবাদিতা

সত্য একটি মহৎ গুণ। এটি ঈমানদারের অন্যতম নিদর্শন। আল্লাহ তায়ালা এরশাদ করেন- **يَا أَيُّهَا الَّذِينَ آمَنُوا اتَّقُوا اللَّهَ وَكُونُوا مَعَ الصَّادِقِينَ** হে ঈমানদারগণ! তোমরা আল্লাহ কে ভয় কর এবং সত্যবাদীদের অন্তর্ভুক্ত হও।^{৫৮৩}

^{৫৭৮} প্রাগুক্ত

^{৫৭৯} মুসলিম, প্রাগুক্ত, পৃ-৪৩১, হাদিস নং- ৪৭২৬

^{৫৮০} শরহুস সুন্নাহ, সূত্র: প্রাগুক্ত, হাদিস নং- ৪৭৩৩

^{৫৮১} তিরমিযী, সূত্র: প্রাগুক্ত, পৃ-৪৩২, হাদিস নং-৪৭৪০

^{৫৮২} ফকীহ আবুল লাইস সমরকান্দি (র.) (৩৭৩ হি), তাযীছুল গাফেলীন, বৈরুত, পৃ-৩৪৩

^{৫৮৩} সূরা তাওবা, আয়াত-১১৯

হযরত ইবনে মাসউদ (রা.) থেকে বর্ণিত, তিনি বলেন রাসূল ﷺ এরশাদ করেন—**عَلَيْكُمْ بِالصَّدَقِ فَإِنَّ الصَّدَقَ يَهْدِي إِلَى الْبِرِّ وَإِنَّ الْبِرَّ يَهْدِي إِلَى الْجَنَّةِ وَمَا يَزَالُ الرَّجُلُ يَصَّدُقُ وَيَتَحَرَّى الصَّدَقَ حَتَّى يُكْتَبَ عِنْدَ اللَّهِ صَدِيقًا وَإِيَّاكُمْ وَالْكَذِبَ فَإِنَّ الْكَذِبَ يَهْدِي إِلَى الْفُجُورِ وَإِنَّ الْفُجُورَ يَهْدِي إِلَى النَّارِ وَمَا يَزَالُ الرَّجُلُ يَكْذِبُ وَيَتَحَرَّى الْكَذِبَ حَتَّى يُكْتَبَ عِنْدَ اللَّهِ** তোমরা সত্যকে ধারণ কর। কেননা, সত্য পুণ্যের দিকে নিয়ে যায়। আর পুণ্য বেহেস্তের দিকে নিয়ে যায়। যে ব্যক্তি সর্বদা সত্য কথা বলে এবং সত্য বলতে চেষ্টা করে আল্লাহ তায়ালা তার কাছে তাকে সিদ্দিক (সত্যবাদী) বলে লিপিবদ্ধ করা হয়। আর তোমরা মিথ্যা থেকে বেঁচে থাক। কেননা মিথ্যা পাপাচারের দিকে নিয়ে যায় এবং পাপাচার জাহান্নামের দিকে নিয়ে যায়। যে ব্যক্তি সর্বদা মিথ্যা কথা বলে এবং মিথ্যা বলতে চেষ্টা করে আল্লাহর কাছে তাকে অধিক মিথ্যাবাদী বলে লিপিবদ্ধ করা হয়।^{৫৮৪}

হযরত উবাদা ইবনে সামিত (রা.) থেকে বর্ণিত, রাসূল ﷺ এরশাদ করেন—তোমরা নিজেদের পক্ষ থেকে আমাকে ছয়টি জিনিসের জামানাত দাও। আমি তোমাদের জন্য বেহেস্তের জামিন হব। ১. তোমরা যখন কথা বল তখন সত্য বলবে। ২. যখন ওয়াদা কর তা পূর্ণ করবে। ৩. যখন তোমাদের কাছে আমানত রাখা হয় তা আদায় করবে। ৪. নিজেদের লজ্জাস্থানকে সংরক্ষণ করবে। ৫. আপন দৃষ্টিকে অবনীত রাখবে এবং ৬. আপন হাতকে অন্যায় কাজ থেকে বিরত রাখবে।^{৫৮৫}

ক্ষমা

ক্ষমা আল্লাহ তায়ালা অন্যতম গুণ। ইসলামী পরিভাষায় প্রতিশোধ গ্রহণের ক্ষমতা থাকা সত্ত্বেও প্রতিপক্ষকে ক্ষমা করে দেওয়াকে ক্ষমা বলে। আল্লাহ তায়ালা পরম ক্ষমাশীল, তিনি সর্বশক্তিমান ও মহাপ্রতাপশালী। তাঁর কাজে বাধা দেওয়ার সাধ্য নেই কারো। অধিকাংশ মানুষ তাঁর অবাধ্য হওয়া সত্ত্বেও তিনি তাদের ক্ষমা করে দেন এবং তাঁর দয়া ও নিয়ামত থেকে বঞ্চিত করেন না। আল্লাহ তায়ালা তাঁর প্রিয় রাসূল ﷺ কে ক্ষমাশীল হওয়ার নির্দেশ প্রদান করে বলেন—**خُذِ الْعَفْوَ وَأْمُرْ بِالْعُرْفِ وَأَعْرِضْ عَنِ الْجَاهِلِينَ** হে নবী! আপনি ক্ষমা করুন। সৎকাজের নির্দেশ দিন এবং মূর্থদেরকে এড়িয়ে চলুন।^{৫৮৬}

আল্লাহ তায়ালা আরো বলেন, **فَاعْفُ عَنْهُمْ وَاسْتَغْفِرْ لَهُمْ** অতএব আপনি তাদের ক্ষমা করে দিন এবং তাদের জন্য ক্ষমা প্রার্থনা করুন।^{৫৮৭}

^{৫৮৪} বুখারী ও মুসলিম, সূত্র: মিশকাত শরীফ, পৃ- ৪১১-৪১২, হাদিস নং- ৪৪৯৩

^{৫৮৫} আহমদ ও বায়হাকী, সূত্র: প্রাগুক্ত, পৃ-৪১৫, হাদিস নং- ৪৫৩৬

^{৫৮৬} সূরা আ'রাফ, আয়াত- ১৯৯

^{৫৮৭} সূরা আলে ইমরান, আয়াত-১৫৯

আল্লাহ তায়ালা প্রত্যেক মানুষকে ক্ষমাশীল হওয়ার প্রতি উৎসাহিত করে বলেন—
 وَإِنْ تَعْفُوا وَتَصْفَحُوا وَتَغْفِرُوا فَإِنَّ اللَّهَ غَفُورٌ رَحِيمٌ তোমরা যদি ওদের মার্জনা কর, ওদের
 দোষ-ত্রুটি উপেক্ষা কর এবং ক্ষমা কর তবে নিশ্চয় আল্লাহ ক্ষমাশীল, দয়ালু।^{৫৮৮}

ক্ষমা করা মুত্তাকীর বৈশিষ্ট্য। এ প্রসঙ্গে আল্লাহ তায়ালা বলেন, الَّذِينَ يُنْفِقُونَ فِي السَّرَّاءِ وَالضَّرَّاءِ وَالْكَاطِمِينَ الْغَيْظَ وَالْعَافِينَ عَنِ النَّاسِ وَاللَّهُ يُحِبُّ الْمُحْسِنِينَ (মুত্তাকী তারাই)
 যারা স্বচ্ছল ও অস্বচ্ছল অবস্থায় ব্যয় করে এবং যারা রাগ সংবরণ করে আর মানুষের
 প্রতি ক্ষমাশীল হয়। আল্লাহ সৎকর্মশীলদের ভালবাসেন।^{৫৮৯}

আল্লাহ তায়ালা আরো বলেন— وَأَنْ تَعْفُوا أَقْرَبُ لِلتَّقْوَى আর ক্ষমা করে দেওয়াই
 তাকওয়ার অধিক নিকটতর।^{৫৯০}

ক্ষমা মহত্বের লক্ষণ। যারা যতবেশী মহৎ তারা ততবেশী ক্ষমাশীল হয়। নবী করিম
 ﷺ কে তায়েফবাসী পাথর নিক্ষেপ করে রক্তাক্ত করার পর আল্লাহ তায়ালা পাহাড়ের
 দায়িত্বে নিয়োজিত ফেরেশতাকে পাঠান। ফেরেশতা তায়েফবাসীকে কঠিন শাস্তি দেয়ার
 অনুমতি চাইলে তিনি অনুমতি দেননি বরং তাদেরকে ক্ষমা করে তাদের জন্য দোয়া
 করেন। তিনি আল্লাহর রাস্তায় জিহাদ করা ব্যতীত কখনো কাউকে মারেন নি। নিজের
 স্ত্রীগণকেও না, খাদেমকেও না। তাঁকে কষ্ট দেওয়া সত্ত্বেও তিনি কখনো প্রতিশোধ গ্রহণ
 করেন নি। অবশ্য আল্লাহ তায়ালা বিকল্পে কোন কাজ করলে আল্লাহর উদ্দেশ্যেই তিনি
 প্রতিশোধ গ্রহণ করতেন।^{৫৯১}

হযরত আয়েশা (রা.) থেকে বর্ণিত, রাসূল ﷺ অশ্লীলবাসী ছিলেন না এবং
 অশোভন কথা বলার চেষ্টাও করতেন না। তিনি হাট-বাজারে শোরগোলকারী ছিলেন না
 এবং তিনি মন্দের প্রতিশোধ মন্দ দ্বারা নিতেন না বরং তা ক্ষমা করে দিতেন এবং
 উপেক্ষা করে চলতেন।^{৫৯২}

মক্কা বিজয়ের দিন প্রতিশোধ নেয়ার পূর্ণ সুযোগ থাকা সত্ত্বেও তিনি মক্কাবাসী
 কাফিরদেরকে ক্ষমা করে দিয়েছেন। ক্ষমার এরূপ দৃষ্টান্ত পৃথিবীতে বিরল।

তাওয়াঙ্কুল

জীবনের সকল ক্ষেত্রে আল্লাহর প্রতি ভরসা করা মু'মিনের অন্যতম বৈশিষ্ট্য।
 আরবীতে এটাকে তাওয়াঙ্কুল বলে। ইমাম রাযী (র.) বলেন— التَّوَكُّلُ هُوَ أَنْ يُرَاعَى الْإِنْسَانُ
 মানুষ তার বাহ্যিক
 الْأَسْبَابَ الظَّاهِرَةَ وَلَكِنْ لَا يَعُولُ بِقَلْبِهِ عَلَيْهَا بَلْ يَعُولُ عَلَى عِصْمَةِ الْحَقِّ

^{৫৮৮} সূরা তাগাবুন, আয়াত-১৪

^{৫৮৯} সূরা আলে ইমরান, আয়াত- ১৩৪

^{৫৯০} সূরা বাকারা, আয়াত-২৩৭

^{৫৯১} মুসলিম, সূত্র: মিশকাত শরীফ, পৃ-৫১৯, হাদিস নং-৫৪৪৬ ও রিয়াদুস সালেহীন, পৃ-২৯০ হাদিস নং-৬৪৪

^{৫৯২} তিরমিযী, সূত্র: মিশকাত শরীফ, পৃ-৫১৯, হাদিস নং- ৫৪৪৮

উপায় উপকরণ ব্যবহার করবে তবে তার ভরসা ঐসব উপায় উপকরণের উপর হবে না বরং আল্লাহর উপর হবে।^{৫৯৩}

আল্লামা আলুসী (র.) বলেন- **وَأَصْلُ التَّوَكُّلِ إِظْهَارُ الْعِزِّ وَالْإِعْتِمَادِ عَلَى الْغَيْرِ** আল্লামা আলুসী (র.) বলেন- তাওয়াক্কুল এর মূল হল অক্ষমতা প্রকাশ করা এবং অন্যের উপর ভরসা করা।^{৫৯৪}

আল্লাহ তায়ালা পবিত্র কুরআনে বান্দাকে আল্লাহর উপর তাওয়াক্কুল করার প্রতি বিশেষ ভাবে নির্দেশ দিয়েছেন। তিনি এরশাদ করেন- **وَتَوَكَّلْ عَلَى الْحَيِّ الَّذِي لَا يَمُوتُ** আর সে চিরজীব আল্লাহর উপর ভরসা কর, যিনি অমর।^{৫৯৫}

তিনি আরো বলেন- **وَعَلَى اللَّهِ فَلْيَتَوَكَّلِ الْمُؤْمِنُونَ** আল্লাহর উপরই মু'মিনের ভরসা করা উচিত।^{৫৯৬}

অন্যত্র বলেছেন- **إِذَا عَزَمْتَ فَتَوَكَّلْ عَلَى اللَّهِ** তুমি যখন চূড়ান্ত সিদ্ধান্ত গ্রহণ করবে তখন আল্লাহর উপর ভরসা কর।^{৫৯৭}

কুরআনে আরো বলা হয়েছে- **وَمَنْ يَتَوَكَّلْ عَلَى اللَّهِ فَهُوَ حَسْبُهُ** যে ব্যক্তি আল্লাহর উপর ভরসা করে, তিনিই তার জন্য যথেষ্ট।^{৫৯৮}

ঈমানদারদের বৈশিষ্ট্য বর্ণনা করতে গিয়ে আল্লাহ বলেন, **إِنَّمَا الْمُؤْمِنُونَ الَّذِينَ إِذَا ذُكِرَ اللَّهُ وَجِلَتْ قُلُوبُهُمْ وَإِذَا تُلِيَتْ عَلَيْهِمْ آيَاتُهُ زَادَتْهُمْ إِيمَانًا وَعَلَى رَبِّهِمْ يَتَوَكَّلُونَ** ঈমানদার তারাই যাদের অন্তর আল্লাহর স্মরণকালে কেঁপে উঠে এবং আল্লাহর আয়াতসমূহ পাঠকালে তাদের ঈমান বৃদ্ধি পায়। আর তারা তাদের প্রভুর উপরই ভরসা করে।^{৫৯৯} হাদিস শরীফে হযরত ওমর (রা.) থেকে বর্ণিত আছে, তিনি বলেন, আমি রাসূল ﷺ কে বলতে শুনেছি **لَوْ أَنَّكُمْ تَتَوَكَّلُونَ عَلَى اللَّهِ حَقَّ تَوَكُّلِهِ لَرَزَقَكُمْ كَمَا يَرْزُقُ الطَّيْرَ تَغْدُو خِمَاصًا وَتَرُوحُ بِطَانًا** যদি তোমরা আল্লাহর উপর যথাযথ ভরসা করতে পার, তবে তিনি পাখিকে রিখিক দেয়ার ন্যায় তোমাদেরকেও দিবেন। পাখিতো সকালে খালি পেটে বের হয়ে যায় এবং সন্ধ্যায় ভরা পেটে ফিরে আসে।^{৬০০}

^{৫৯৩}. ইমাম ফখরুদ্দীন রায়ী (র.) (৬০৬ হি) তাফসীরে কবীর, খণ্ড-৩, পৃ- ৮৩ বৈরুত

^{৫৯৪}. সাইয়েদ মাহমুদ আলুসী (র.) (১২৭০ হি) রুহুল মা'আনী, খণ্ড-৪, পৃ-১০৭ বৈরুত

^{৫৯৫}. সূরা ফোরকান, আয়াত- ৫৮

^{৫৯৬}. সূরা ইব্রাহিম, আয়াত- ১১

^{৫৯৭}. সূরা আলে ইমরান, আয়াত- ১৫৯

^{৫৯৮}. সূরা তালাক, আয়াত-৩

^{৫৯৯}. সূরা আনফাল, আয়াত- ২

^{৬০০}. তিরমিযী সূত্র: রিয়াদুস সালেহীন, পৃ-৫৭ হাদিস নং-৭৯ বৈরুত ও মিশকাত শরীফ, পৃ-৪৫২ হাদিস নং-৪৯৭৪

হযরত আনাস (রা.) থেকে বর্ণিত, তিনি বলেন, রাসূল ﷺ এরশাদ করেন- مَنْ قَالَ إِذَا خَرَجَ يَغْنَىٰ مِنْ بَيْتِهِ بِسْمِ اللَّهِ تَوَكَّلْتُ عَلَى اللَّهِ لَا حَوْلَ وَلَا قُوَّةَ إِلَّا بِاللَّهِ يُقَالَ لَهُ هُدِيََتْ قَالَ إِذَا خَرَجَ يَغْنَىٰ مِنْ بَيْتِهِ بِسْمِ اللَّهِ تَوَكَّلْتُ عَلَى اللَّهِ لَا حَوْلَ وَلَا قُوَّةَ إِلَّا بِاللَّهِ يُقَالَ لَهُ هُدِيََتْ

যে ব্যক্তি তার বাড়ী থেকে বের হওয়ার সময় বলে- আল্লাহর নামে বের হলাম এবং আল্লাহর উপর ভরসা করলাম, আল্লাহ ছাড়া আর কেউ সাহায্যকারী নেই। তখন তাকে বলা হয় তোমাকে হেদায়ত দেওয়া হয়েছে। তোমাকে যথেষ্ট দেওয়া হয়েছে এবং তোমার নিরাপত্তার ব্যবস্থা করা হয়েছে আর শয়তান তার থেকে দূরে চলে যায়।^{৬০১}

আল্লাহর উপর পূর্ণ ভরসাকারী ব্যক্তি বিনা হিসাবে জান্নাতে যাবে। এ প্রসঙ্গে হযরত ইবনে আব্বাস (রা.) থেকে বর্ণিত আছে, তিনি বলেন, রাসূল ﷺ এরশাদ করেন- يَدْخُلُ الْجَنَّةَ مِنْ أُمَّتِي سَبْعُونَ أَلْفًا بِغَيْرِ حِسَابٍ هُمُ الَّذِينَ لَا يَسْتَرْقُونَ وَلَا يَطِّيرُونَ وَعَلَىٰ رَبِّهِمْ

আমার উম্মতের মধ্য থেকে সত্তর হাজার লোক বিনা হিসাবে জান্নাতে প্রবেশ করবে, তারা হল ঐ সকল লোক যারা মন্ত্র-তন্ত্র করায় না, অশুভ লক্ষণে বিশ্বাস করে না এবং যারা নিজেদের পালনকর্তার উপর ভরসা করে।^{৬০২}

বাহ্যিক উপায়-উপকরণ থেকে সম্পর্ক ছিন্না করে কেবল আল্লাহর উপর ভরসা করে বসে থাকার নাম তাওয়াক্কুল নয়। বরং সামর্থ্য অনুযায়ী যাবতীয় বাহ্যিক উপায় অবলম্বন করার পর ফলাফলের ব্যাপারটি আল্লাহর কাছে সোপর্দ করার নামই হচ্ছে তাওয়াক্কুল। এ ব্যাপারে নবী করিম ﷺ উত্তম নমুনা রেখে গেছেন আমাদের সামনে। তিনি ছিলেন সাইয়েদুল মুতাওয়াক্কিলিন তথা সর্বশ্রেষ্ঠ ভরসাকারী। এতদসত্ত্বেও তিনি যুদ্ধের জন্য সৈন্যবাহিনী প্রস্তুত করা, অস্ত্র-শস্ত্র সংগ্রহ করা এবং রোগ-ব্যাদিতে চিকিৎসা করা, হেরা পর্বতে যাওয়ার সময় কয়েক দিনের খাবার নিয়ে যাওয়া ইত্যাদি কার্যক্রম বাহ্যিক বিষয়ের অবলম্বনের প্রতি শিক্ষা দিয়েছেন। এভাবে আল্লাহকে রিয়িকদাতা মনে করে তাঁর উপর ভরসা করে বসে থেকে যাবতীয় কাজ-কর্ম থেকে বিরত থাকার নাম ভরসা নয়। বরং মেহনত করে সাধ্য অনুযায়ী চেষ্টা করতে হবে এবং এর পরিণামের ক্ষেত্রে আল্লাহর উপর ভরসা করতে হবে। বান্দা যখন কোন কাজের চেষ্টা করে তখন আল্লাহ ঐ বান্দাকে সাহায্য করেন। ফলে বান্দা ঐকাজে সফলতা লাভ করে।

ইমাম গায্বালী (র.) বলেন- তোমার সামনে খাবার আছে আর তুমি ক্ষুধার্ত তবুও তুমি খাবারের দিকে হাত বাড়াচ্ছনা আর বলছ আমি ভরসাকারী, এটি ভুল। এভাবে খাবার মুখে দেওয়া, দাঁতে চিবানো ও গলধঃকরণ করা তাওয়াক্কুলের বিরোধ নয়। বীজ

^{৬০১}. আবু দাউদ, তিরমিযী ও নাসাঈ, সূত্র: প্রাগুক্ত, পৃ-৫৯ হাদিস নং- ৮৩, বৈরুত

^{৬০২}. বুখারী ও মুসলিম, সূত্র: মিশকাত শরীফ, পৃ- ৪৫২, হাদিস নং- ৪৯৪৩

বপনসহ চাষাবাদের যাবতীয় কার্যক্রম ব্যতীত ফসল উৎপন্ন হয়না। এটি আল্লাহর সুন্নত।^{৬০৩}

হযরত আনাস (রা.) থেকে বর্ণিত আছে, এক ব্যক্তি বলল- হে আল্লাহর রাসূল! আমি উটনী বেঁধে তাওয়াক্কুল করব না কি ছেড়ে দিয়ে তাওয়াক্কুল করব? তিনি বললেন-
عَقْلُهَا وَتَوَكَّلْ তুমি উটনী বেঁধে তাওয়াক্কুল কর।^{৬০৪}

হযরত ওমর (রা.) কতিপয় লোকের পাশ দিয়ে গমন করার সময় তাদেরকে জিজ্ঞাসা করলেন- তোমরা কি করছ? উত্তরে তারা বলল-আমরা তাওয়াক্কুল করছি। তিনি বললেন- না, তোমরা লোকের সম্পদের উপর তাওয়াক্কুল করছ। প্রকৃত ভরসাকারী হল যে মাটিতে বীজ বপন করে আল্লাহর উপর ভরসা করে।^{৬০৫}

আদল তথা ন্যায়পরায়নতা

‘আদল’ আরবী শব্দ। এর আভিধানিক অর্থ ইনসাফ, ন্যায়পরায়নতা, সুবিচার ও সমান করে দেওয়া। যাবতীয় কাজ-কর্মে কুরআন-সুন্নাহ মোতাবেক মধ্যপন্থা অবলম্বন করাকে আদল বলা হয়। ব্যক্তিগত জীবনে, পারিবারিক জীবনে, সামাজিক জীবনে ও রাষ্ট্রীয় জীবনে সর্বক্ষেত্রে ইনসাফের গুরুত্ব অনস্বীকার্য। এগুলোর কোন একটিতে যদি ইনসাফ প্রতিষ্ঠা না হয় তাহলে তাতে বিশৃঙ্খলা দেখা দেবে এবং অল্প সময়ের মধ্যে ধ্বংস হয়ে যাবে।

পবিত্র কুরআনে বর্ণিত আছে- إِنَّ اللَّهَ يَأْمُرُ بِالْعَدْلِ وَالْإِحْسَانِ নিশ্চয় আল্লাহ ন্যায়পরায়নতা ও সদাচরণের নির্দেশ দেন।^{৬০৬}

আল্লাহ তায়ালা বলেন- اغْدُلُوا هُوَ أَقْرَبُ لِلتَّقْوَى তোমরা সুবিচার কর, তা তাকওয়ার নিকটতর।^{৬০৭}

বিশেষ করে বিচার ব্যবস্থায় ইনসাফের গুরুত্ব অপরিসীম। মানুষ অত্যাচারিত হয়ে বিচারের ধারস্থ হয়। জাতি ধর্ম, বর্ণ, শ্রেণী, উঁচু-নিচু, নির্বিশেষে সকলের জন্য ন্যায় বিচার করা বিচারকের উপর কতব্য। এ প্রসঙ্গে আল্লাহ তায়ালা বলেন- وَإِذَا حَكَمْتُمْ بَيْنَ النَّاسِ أَنْ تَحْكُمُوا بِالْعَدْلِ তোমরা যখন মানুষের মধ্যে বিচার করবে, তখন তোমরা ইনসাফের সাথে বিচার করবে।^{৬০৮}

^{৬০৩} ইমাম মুহাম্মদ গাযযালী (র.) (৫০৫ হি), ইয়াহিয়াউল উলুম, খণ্ড-৪, পৃ-২৫৯, বৈরুত

^{৬০৪} ইমাম তিরমিযী (র.) (২৭৯ হি), তিরমিযী শরীফ, পৃ-৩৬১ করাচী

^{৬০৫} ইমাম বায়হাকী (র.) (৪৫৮ হি), শোআবুল ঈমান, খণ্ড-২, পৃ-৮১, বৈরুত

^{৬০৬} সূরা নাহল, আয়াত-৯০

^{৬০৭} সূরা মায়িদা, আয়াত-৮

^{৬০৮} সূরা নিসা, আয়াত-৫৮

আল্লাহ তায়ালা নিজেও ন্যায়বিচারক, সুতরাং তিনি ন্যায়বিচারকদের ভালবাসেন।
কুরআনে কারীমে বলা হয়েছে— **وَأَنَّ حَكْمَتُكَ فَاحْكُم بَيْنَهُم بِالْقِسْطِ إِنَّ اللَّهَ يُحِبُّ الْمُقْسِطِينَ**—
যদি তুমি বিচার কর তবে তাদের মধ্যে ন্যায়বিচার প্রতিষ্ঠা কর। নিশ্চয় আল্লাহ
ন্যায়বিচারকদের ভালবাসেন।^{৬০৯}

হাদিস শরীফে বর্ণিত আছে, একদিন একজন কুরাইশ বংশীয় সম্ভ্রান্ত মহিলা চুরির
অপরাধে ধরা পড়লে, রাসূল ﷺ তার হাত কাটার নির্দেশ দেন। অভিজাত্য ও বংশ
মর্যাদার কথা উল্লেখ করে মহিলার শাস্তি লাঘব করার জন্য নবী করিম ﷺ এর কাছে
সুপারিশ করা হলে তিনি বলেন— তোমাদের পূর্ববর্তী জাতিসমূহ এ কারণেই ধ্বংস
হয়েছিল। তাদের কোন সাধারণ লোক অন্যায় করলে তার শাস্তি হত। পক্ষান্তরে কোন
মর্যাদাবান লোক অন্যায় করলে তার শাস্তি হত না। আল্লাহর শপথ! মুহাম্মদ ﷺ 'র
কন্যা ফাতিমাও যদি এ কাজ করত, তবুও আমি তার হাত কাটার নির্দেশ দিতাম।^{৬১০}

হযরত আবু হোরায়া (রা.) থেকে বর্ণিত, নবী করিম ﷺ এরশাদ করেন— সাত
শ্রেণীর লোককে আল্লাহ তায়ালা কিয়ামতের কঠিন দিনে তাঁর রহমতের ছায়ায় আশ্রয়
দান করবেন। তন্মধ্যে প্রথম শ্রেণীর লোক হচ্ছেন— ন্যায়পরায়ন শাসক।^{৬১১}

হযরত আব্দুল্লাহ ইবনে আমর ইবনুল আস (রা.) থেকে বর্ণিত, তিনি বলেন, রাসূল
ﷺ এরশাদ করেন— **إِنَّ الْمُقْسِطِينَ عِنْدَ اللَّهِ عَلَى مَنَابِرٍ مِنْ نُورٍ عَنْ يَمِينِ الرَّحْمَنِ عَزَّ وَجَلَّ**—
নিশ্চয় ন্যায়বিচারকগণ আল্লাহ তায়ালা নিকট নূরের মিসরে আসন গ্রহণ করবে। যারা তাদের বিচারের ক্ষেত্রে পরিবার-
পরিজনের ব্যাপারে এবং যেসব দায়দায়িত্ব তাদের উপর অর্পিত করা হয় সে সব বিষয়ে
সুবিচার করে।^{৬১২}

হযরত ইয়াদ ইবনে হিমার (রা.) থেকে বর্ণিত, তিনি বলেন, আমি রাসূল ﷺ কে
বলতে শুনেছি— জান্নাতের অধিকারী হবে তিন শ্রেণীর লোক। তন্মধ্যে অন্যতম হল **دُرُ**
سُلْطَانٍ مُقْسِطٍ مُؤَفَّقٍ ন্যায়পরায়ণ শাসক যাকে ন্যায় বিচারের তাওফীক দেয়া হয়েছে।^{৬১৩}

আমানত রক্ষা করা

যে আমানত রক্ষা করে তাকে আমানতদার বলা হয়। আমানতদারী একটি মহৎ
গুণ। নবী করিম ﷺ এতই আমানতদার ছিলেন যে, তাঁর নাম হয়ে গিয়েছিল ‘আল
আমিন’। কাফির মুশরিকরাও তাঁর কাছে মূল্যবান বস্তু আমানত রাখত। আল্লাহ তায়ালা

৬০৯. সূরা মায়েদা, আয়াত-৪২

৬১০. বুখারী ও মুসলিম, সূত্র: মিশকাত শরীফ, পৃ-৩১৪

৬১১. বুখারী, সূত্র: রিয়াদুস সালাহীন, পৃ-২৯৬, হাদিস নং- ৬৫৯

৬১২. মুসলিম, সূত্র: প্রাগুক্ত, হাদিস নং- ৬৬০

৬১৩. মুসলিম, সূত্র: প্রাগুক্ত, পৃ-২৯৭, হাদিস নং-৬৬২

কুরআন মাজীদে এরশাদ করেন-**إِنَّ اللَّهَ يَأْمُرُكُمْ أَنْ تُؤَدُّوا الْأَمَانَاتِ إِلَىٰ أَهْلِهَا**—নিশ্চয় আল্লাহ নির্দেশ দিয়েছেন যেন তোমরা আমানতের হকদারকে তা ফিরিয়ে দাও।^{৬১৪}

উপরোক্ত আয়াতে আমানত শব্দটি বহুবচন ব্যবহার করে ইঙ্গিত করা হয়েছে যে, আমানত অনেক প্রকার। আল্লাহর আমানত ও বান্দার আমানত। আল্লাহর আমানত হচ্ছে শরীয়তে আরোপিত সকল ফরয-ওয়াজিব পালন করা এবং যাবতীয় হারাম ও মাকরুহ বিষয়াদি পরিত্যাগ করা। বান্দার আমানত হল, আর্থিক আমানত যা সংরক্ষণ করা এবং যথাসময়ে তার প্রাপককে ফেরত দেওয়া। এছাড়াও কেউ কাউকে গোপন কথা বললে কিংবা পরামর্শ করলে তা গোপন করাও আমানত। শরীয়ত সম্মত অনুমতি ব্যতীত কারও গোপন তথ্য ফাঁস করা আমানতের খিয়ানত। মজুর ও কর্মচারীকে অর্পিত কাজের জন্য পারস্পরিক সমঝোতাক্রমে যে সময় নির্ধারিত হয় এবং যে পরিমাণ কাজের চুক্তি হয় সময়মত সে কাজ পূর্ণ করাও একটি আমানত। এর ব্যতিক্রম করলে তা হবে খিয়ানত।

আমানতদারী মু'মিনের বৈশিষ্ট্য। আল্লাহ তায়ালা বলেন-**وَالَّذِينَ هُمْ لِأَمَانَاتِهِمْ وَعَهْدِهِمْ**—প্রকৃত সফল মু'মিন তারাই যারা নিজেদের আমানত ও প্রতিশ্রুতি রক্ষা করে।^{৬১৫}

আমানতদারী ঈমানের পূর্বশর্ত। রাসূল ﷺ এরশাদ করেন-**لَا إِيمَانَ لِمَنْ لَا أَمَانَةَ لَهُ**—যার মধ্যে আমানতদারী নেই তার কাছে ঈমান নেই আর যে অঙ্গীকার রক্ষা করেন না। তার মধ্যে পূর্ণ দীন নেই।^{৬১৬}

আমানতের খিয়ানত করা মুনাফিকের আলামত। নবী করিম ﷺ এরশাদ করেন-**آيَةُ الْمُنَافِقِ ثَلَاثٌ إِذَا حَدَّثَ كَذَبَ وَإِذَا وَعَدَ أَخْلَفَ وَإِذَا أُؤْتِمِنَ خَانَ**—মুনাফিকের আলামত তিনটি। ১. যখন সে কথা বলে মিথ্যা বলে। ২. ওয়াদা করলে তা ভঙ্গ করে এবং ৩. আমানত রাখলে খিয়ানত করে।^{৬১৭}

ওয়াদা রক্ষা করা

ওয়াদা পালন করা দ্বীনের অবিচ্ছেদ্য অঙ্গ। আল্লাহ তায়ালা ওয়াদা পালনের জন্য মানবজাতিকে নির্দেশ দিয়েছেন। কুরআন মাজীদে এরশাদ হয়েছে-**وَأَوْفُوا بِالْعَهْدِ إِنَّ الْعَهْدَ**—আর তোমরা ওয়াদা পূর্ণ কর। নিশ্চয় ওয়াদা পালন সম্পর্কে তোমরা জিজ্ঞাসিত হবে।^{৬১৮}

^{৬১৪}. সূরা নিসা, আয়াত-৫৮

^{৬১৫}. সূরা মু'মিনুন, আয়াত- ৮

^{৬১৬}. বায়হাকী, সূত্র: মিশকাত শরীফ, পৃ-১৫

^{৬১৭}. বুখারী ও মুসলিম, সূত্র: মিশকাত শরীফ, পৃ-১৭

^{৬১৮}. সূরা বনী ইসরাইল, আয়াত- ৩৪

সংলোকের পরিচয় দিতে গিয়ে আব্বাহ তায়াল্লা বলেন-إِذَا عَاهَدُوا-وَالْمُؤْفُونَ بِعَهْدِهِمْ إِذَا عَاهَدُوا-
আর তারা প্রতিশ্রুতি দিলে পূর্ণ করে।^{৬১৯}

রাসূল ﷺ ওয়াদাপূর্ণ করার নিমিত্তে লাগাতার তিনদিন যাবৎ অপেক্ষা করেছিলেন।
হযরত আব্দুল্লাহ ইবনে হাসামা (রা.) বলেন, রাসূল ﷺ এর নবুয়ত প্রকাশের পূর্বে আমি
তাঁর কাছ থেকে কিছু খরিদ করেছিলাম, যার মূল্য পরিশোধ আমার উপর বাকী রয়ে
গিয়েছিল। আমি তাঁকে ওয়াদা দিলাম যে, আমি তা এ স্থানে নিয়ে আসছি। কিন্তু আমি
ভুলে গেলাম। তিনদিন পর আমার স্মরণ হল। এসে দেখলাম তিনি উক্ত স্থানেই আছেন।
অতঃপর তিনি বললেন, তুমি আমাকে কষ্টে ফেলেছ, আমি তিনদিন যাবৎ এ স্থানে
তোমারই অপেক্ষা করছি।^{৬২০}

কোন ব্যক্তি মৃত্যুর কারণে ওয়াদা পালন করতে না পারলে তার প্রতিনিধি কিংবা
ছেলে-মেয়েরা তা পূর্ণ করতে হবে। হযরত জাবির (রা.) বলেন, রাসূল ﷺ ইস্তেকাল
করলেন এবং হযরত আবু বকর (রা.) এর কাছে হযরত আলী ইবনে হাযরামী (রা.) এর
পক্ষ থেকে মালামাল এল, তখন হযরত আবু বকর (রা.) বললেন, রাসূল ﷺ এর উপর
যদি কারো ঋণ থাকে অথবা তাঁর পক্ষ থেকে দেওয়া কোন ওয়াদা থাকে তবে তারা যেন
আমার কাছে আসে। জাবির (রা.) বলেন, আমি বললাম, রাসূল ﷺ আমাকে ওয়াদা
দিয়েছিলেন যে, আমাকে এতগুলো দেবেন। অর্থাৎ তিনি তিনবার হস্তদ্বয় প্রসারিত
করেছিলেন। হযরত জাবির (রা.) বলেন, অতঃপর আবু বকর (রা.) আমাকে এক অঞ্জলি
দিলেন, আমি গুণে দেখলাম তাতে পাঁচশত দিরহাম রয়েছে। তখন আবু বকর (রা.)
বললেন, এ পরিমাণ তুমি আরো দুবার নাও।^{৬২১}

এ মাসে ওফাতপ্রাপ্ত মনীষীগণ

- হযরত নাজমুদ্দিন কুবরা (রা.) ১০ জমাদিউল আউয়াল
- ইমাম জালাল উদ্দিন সুয়ুতী (র.) ১৯ জমাদিউল আউয়াল ৯১৩/৯১১ হিজরি
- হযরত ইব্রাহিম ইবনে আদহাম (র.) ২৬ জমাদিউল আউয়াল ২৬২ হিজরি
- হযরত য়ায়েদ ইবনে সাবিত (রা.) জমাদিউল আউয়াল ৮ হিজরি

^{৬১৯} সূরা বাকারা, আয়াত-১১৭

^{৬২০} আবু দাউদ, সূত্র: মিশকাত শরীফ, পৃ-৪১৬, হাদিস নং-৪৫৪৩

^{৬২১} বুখারী ও মুসলিম, সূত্র: মিশকাত শরীফ, পৃ-৪১৬, হাদিস নং-৪৫৪২